





秋澗先生大全文集卷第十

五言律詩

壽史開府

開府群公表山河間氣鍾飛翻同灑景婉孌  
龍慶會千年運中原百戰功一門傳盡戟

列聖錫彤弓霖雨思賢久中朝注望隆

詔居華袞地德邁古人風學並征南癖心肩尚父忠

翦鱸清碧海煉石補蒼穹脫略三朝雋從容萬石恭

都俞明治體風俗變時雍薦達多名士經綸極至公

功成心轉小量廊孰非容柱石嘉謨壯朝廷睿眷崇

何心貪寵敷圖報罄丹衷降典維公共群疑可遠從

欽承能致恤度作貴惟中漢紀三章約秋荼一掃空





與時弼五教致

主冠三宗壽席恩光暖梅梢蠟蒂融翠梧鵲鳳秀燕  
寢霧香濃毫彩知神相顏配匪酒紅武公強不息羅  
結懿而聰袖手調伊鼎刊名溢景鍾耆英追洛會選  
壽等喬松賤子何多幸凡金久在鎔寸誠芹擬獻五  
福日來蒙德潤餘燕桂簪纓滿漢宮一杯千歲酒選  
通此心同

壽徒單顯軒

間氣無時歇先生歲降申慶流椒室齋袖有鴨江春  
漢苑稱多士青雲早致身縱橫蘇氏學英特賈生倫  
盛德應如此文章固有神玉堂看步武滄海忽揚塵  
飄泊心逾壯歸來道日新因懷盤谷隱怡悅太行雲

欵命竹林駕來陪楚醴賓詞源窮造化講席見經綸  
小子嗟何述先生樂育諄顧非清廟器時辱邦人斤  
既佩雕鐫厚長懷頌禱勤微誠方獻炙誕節遇茲辰  
酌以義泉水清冷勝飲醇贈以湘纍菊馨香如友人  
水澄性不撓菊老氣彌振道體同康謚窮途任屈伸  
年：華表底同拜白頭親

送外弟韓茂卿北上

外弟韓從愿奉檄轉補尚書部掾自梁  
過衛留三日而去臨行求言為訓因書  
是詩以贈

華省開新制尚書古六曹官嚴程有限吏職最為勞  
受簡聯鳧行隨時覆契刀論量天下事承接眼中豪



吾弟方強仕，頭顱未二毛。荷囊初佩服，公務久薰陶。  
未害居煩劇，休辭任動慙。一勤無不辦，多慢豈難操。  
所事先懷慎，當官責可逃。古人淹典制，多暇戒遊遨。  
簿領雖山積，身心樂戰塵。苦辛天不負，聲寔日能高。  
况汝韓宗盛，從來衆士髦。華纓彰綉弁，象簡映青袍。  
光祿何稠疊，司空見贈褒。非儒即政務，致力釣溟鰲。  
繼述無多事，公清善吏豪。老夫雖潦倒，聽汝鶴鳴皋。

春夜宴史右相宅

勳閣汾陽業，金貂漢相家。陽春元有脚，玉度瑩無瑕。  
神駿推宛馬，跳梁笑井蛙。相逢成夜集，暢飲厭流霞。  
綺席圍聲妓，銀箏合鳳琶。晚粧添粉黛，雜舞見渝巴。  
鑪暖融螺甲，盤香供露芽。秀空敲兩杖，促節榜漁槎。

侑食增陽盛，紆懷發興餘。舊聲今漸遠，新體此無加。  
樓轉三更月，燈垂半夜花。歌長紫曲調，御猛奮須牙。  
辭謝寧容退，留連暫樂佳。直須窮薄伎，尤異是雄躋。  
登踏寒林判，軒呈迓古了。侍筵更紀僕，歸燭照籠紗。  
下客陪簪玉，清吟擁鼻瓜。嗣侯非自樂，先業念無涯。  
待士無疎密，籌邊靜諫譁。有時陳樂籍，張宴為賓嘉。  
此夕真儀鳳，明朝等散鴉。寵光需又以二月七春禴  
北闕時有進拜隆興者平章之耗又祀故云春禴  
動南衙，豈特調銀字，重看拜白麻。轉頭雖契闊，後話  
足雄誇，碧草傷淹賦，清江吊屈沙。別懷增慘，獨雁  
謾啞，霄漢嗟垂翼，庭階愧倚葭。情悠天共遠，心在  
地無遮。會作登樓客，聊停泛斗槎。朱門三千載，未分



鬢空華

送表弟韓雲卿赴臺

才幹稱吾弟，名行邁友生。煙霄須致力，蘭署久留情。  
 練事言無訛，臨機敵莫勦。趨朝元有日，去魯不無名。  
 榮映荷囊紫，聲嚴柏府清。外司歌簡潔，內憲惜紛更。  
 輕重量時制，銓除慮旦評。責人無自怨，乘勢可將迎。  
 恩擢非余出，覩情怨自平。斯言當首議，大體先居貞。  
 行已雖多轍，開心罄赤誠。諒能持衆美，不必論前程。  
 自笑行藏拙，潛看歲月驚。清時悲杜舍，白璧愧虞卿。  
 遊宦幾三紀，殘棋任一枰。鐘鳴宜少息，時振尚何營。  
 塵委慚芻狗，歌長振孺嬰。十年希勇觸，一旦謾葵傾。  
 道在吾何憾，憂深汝倍明。見

渠由爾達，着眼在茲行。聰作章徒奈，行艱累匪輕。南  
 山與秋色，依舊兩崢嶸。為將說察判，仍舊贊可也。

謁武惠魯公林墓四十韻

金馭成陰朽，山東自古疆。限田標鎮戍，積憤致搶攘。  
 武惠當年傑，天心霸業匡。雲龍時際會，風虎日翱翔。  
 五十連城重，三千戰士良。一朝歸版籍，遺愛在耕桑。  
 甫定先文治，來威戒代張。儉恭希大帛，號令肅秋霜。  
 氣草擾鋤擾，風還禮義鄉。頌方歌魯盛，人賊隕星鎗。  
 雲出青崖頂，烏瞻泰岱傍。驅車經謁里，故宅似汾陽。  
 山倚初連塚，祠荒綠野堂。門旌虛將帷，燕寢尚清香。  
 有客追疇昔，懷人動慨慷。王師初破汴，河朔久淪綱。  
 文物隨雲散，招徠不一亡。畫收周禮樂，重闢漢科場。



清秩銓舉省，群英萃郡庠。有金皆治器，無玉不追章。  
蓄德需

明主流波及四方，星躔從落，奎彩獨煌。嗣相圖

光紹先猷，在益彰。雪山宜久重，世業寔丕昌。

帝道開中統，皇風煽八荒。重推黃閣相，輕是尚書郎。

兩署分荷橐，千官列鴈行。至今稱濟濟，所在見踰踰。

原治無多術，推賢用巨量。措材真得所，收効儘非常。

侯國能如此，朝家化更皇。闡明雖實理，勉勵乏明揚。

一代徐通議，中流號巨防。試圖援手助，潛有叛胡妨。

薄宦新過魯，諸生惧面墻。津田饒樂育，師授柰無望。

可惜絃歌地，虛成筭在梁。力扶雖切切，事迫去遑遑。

量分功名薄，傷時涕泗滂。野煙知客恨，先白栢城蒼。

靈巖寺二十六韻

中土論名利，茲山第一巖。地靈連海岱，境勝隔仙凡。

紺殿通虛閣，丹崖間翠嵐。天低神竅嶺，佛出證明龕。

鷄警陰魔暴，僧馴怒虎耽。定師興寺始，虎刻不辭慙。

石狀殷公恠，眉龐老衲甗。鍾聲盤絕壑，蟠影走枯枿。

法護雙椽樹，經嚴七竇函。巢棲松鶴楮，若瀹露泉甘。

花雨濛沙界，巖圍抱碧潭。布金仍趙魏，仰食不耕蠶。

富覽山無盡，幽尋力不堪。微官嗟縛律，小隱欲投簪。

吟就蓋輿往，禪思玉版參。靜緣天或假，世味苦相諳。

城市蛙居坎，功名蟻戰酣。有來求福利，誰復減嗔貪。

風化吾儒在，慈恩釋氏覃。教宗緣世主，風靡過周南。



以此山林勝皆為佛老探茲遊耶適意他日儘橫談  
翠琰詩如此清吟口詎緘顧瞻因咄、前後至三  
山主留昏宿官程畏衆疊夕陽人影淡猶惜動歸驂

壽郡侯

瀚海流餘慶金天秉氣昌風姿先相肖節槩更鷹揚  
衛郡民何幸君侯德最良幾年承此治一日意曾遑  
仕職學彌勵身脩志自強物情諳漸熟危酒不聞香  
順事蜀苛姚持難懾暴狂親賢咨政體捐俸起公堂  
舉意從人便何心恃已長行春忘逸獵發語見周防  
門靜無私謁絃調戒急張早衙長待旦退食到斜陽  
奉上惟知謹當機每免莊清廉安本分孝悌出天常  
聰訟從輸臆安群賄牧羊行方端比天處當斷如鋼

誕席闌微獻歌詩代頌章自憐鮫背叟長對德星光  
却恐流雲駿終峨旁用霜所期松柏壽喬嶽共蒼

贈周曲山

官滿周南樂城居漢德翁酒杯隨老減詩句自窮工  
甕料黃蕤剝瓶儲白粲空畫義錢幾塊人事日相攻  
昨莫招添壽今辰去吊凶新除雖有望舊債積來重  
咄、時書恠悠、任轉蓬伸眉無寸樂接物儘多容  
憔悴鱗遺野昂歲鶴在籠固知吾道在未免此心冲  
夕講詩書共朝遊杖屨全暗消秋澗鄙卓有苦家風  
一覺平明睡三竿曉日紅計資微翅儼分口訓村童  
縣邑多遺愛文章不濟窮曲肱而飲水樂亦在其中  
夢入閩清府



已丑秋九月二日五夜夢闕府來送品  
節儀物之盛有不可殫紀者既覺即其  
意賦此

夢入閩清府郊迎罄海圻

萬目瞻新使中天仰

國威康衢回曲香霧霽菲、罩傘雲垂蓋行歌錦

作幃中嚴森赤棒緩進行朱衣鼓吹連天動旌旄映

日微高乘三丈轎前導一雙駢花覆朝袍紫沉薰象

簡馥散班行有叙社直見來稀覆地裊如織蒙山綉

若締籠官衫赤褐花帽翠旌歲

天遠綸恩重霜清牙角魏繁華驚極盛心事豈輕肥

白璧防汚玷黃金惜帶圍六條申漢制八郡斂炎輝

庶政惟蠲燒流風可漸微氣和樓吐蜃官肅浦還璣  
後擁才中道前呵近憲扉一聲鷄唱白推枕蝶分飛  
塵世真如夢蓬萊未覺非日高詩已就清思尚依依

送李郎中德昌北還情見乎辭

一自新河別經今已十年為尋江表傳重會嶺南天

鴻鵠乘風健驂駟得路先鷄香芬省署襟誼動星躔

洒落生平契畱連祖送筵自嗟哀病客愁卧瘴江煙

歲月隣期老鄉閩近五千依、枝遶鵲點、水飛鷺

外望何其切中堅未易鎬崇高疇弗戀筋力若為前

落日鄉音香秋空望眼寒委心歌已矣適意俟終焉

行止雖存教周旋正賴賢省臺公道在萬一故人憐

謁光武廟



奉詔趨龍朔，驅車過鄜南。壇伯餘里陌，廟古老松杉。  
建武重明後，中原百戰酣。同翻思儼景，懷古暫停驂。  
像儼雲臺畫，炎開漢燼煙。道深柔作理，亂自武能戡。  
於穆

吾皇聖英明，世祖參有賢。勞夢想無物，不春涵賤子。  
嗟前進殘年，謾一堪材。疏徒意廣學，古不時諳。杖策  
非高密，扶真愧耿弇。乞靈期睿眷，登對協時談。景已  
桑榆晚，恩非雨露會。所思吾道重，少負此生慚。補報  
功微致歸休，老亦甘冷飈。知客意吹暖，御鑪菴。

和幹臣食粽有感詩韻 辛卯端午

傑句欣三復，辭情淡且黏。君吟元在北，我詠寔維南。  
粽品雖云衆，名芳不自嫌。懷沙悲楚屈，設祭入湘潭。

一昨聞辰告，周防致思嚴。裹纒需彩綵，竊食遠腥黏。  
節屆朱明近，家同玉版參。飢盤犀屨角，帶籜笋遺尖。  
製變菰筒質，香浮九子纖。長腰烹得所，木蜜助餘甜。  
老腹防留膩，多餐不過三。縛從堂上解，爽覺箸頭添。  
應候然微物，因騷有細談。貞賢餐愈潔，說佞對且慚。  
我本舖糟客，何心論滯淹。

番禺杖

異種來番國，知名自老坡。杖才任操倚，節目喜摩挲。  
尺度天然足，柑黃氣色和。竒姿含海霧，孤植映江沱。  
物眇離鄉貴，材稀審寔訛。聲音鏗瓜甲，鱗介訪鮫鼈。  
鞭馭真雷策，批亢格魯戈。重輕欣得所，長短稱閑拖。  
扶老携行便，持危得力多。金蛇僵自勁，鮫背痒忘苛。



不自浮槎使來從老伏波見歸情鄭重未許老婆娑  
八手嗟神物傳看駭玉柯支頤看月出橫膝伴詩哦  
選勝尋泉石窮幽入薜蘿有時兒女觸却恐鬼神呵  
蓋節空筇竹神鋒黯太阿笑揮堪解虎靜倚可降魔  
靈壽輕無賴梅條敲可接花藤昏玳暈班點慘湘娥  
桃竹那能比梳櫛未足歌望塵甘却立飲迹摠無過  
用舍時當審敲撞青果何更防雷雨夜衝屋學陶梭  
秋月篇壽幹臣周宰取杜默為李文定公

迪詩例

五任稱賢宰平頭數七旬分揮郎宿烟鍾秀曲山春  
懷寶須時用騰蛟自獲伸所期千室富匪為一家貧  
文彩唐儒雅規模漢吏循刃游無節錯佩服藹蘭紉

訟簡緣情得民安為賦均處膏希孔潔孔奮曾為姑藏守身處脂  
膏終不宣化見恭仁今歲逢初度宿筵聽具陳分安  
曾愈厲詩健老能神報政長書最閑居任甌塵從容  
黃卷樂浩蕩白鷗馴大器成應晚煙霄漸可隣既淹  
千里足終遇九方歎况復宗公道明揚到逸民新除  
行有日舊政說難倫湛露金莖濕清樽雪蟻新朗吟  
秋月句來醉白綸巾再拜添眉壽無勞頌大椿願同  
蟾窟桂千歲鬱輪囷

送趙都司秉彜赴遼東省幕

世味無餘高群居底許爭疾徐誰長者冷拉列諸兄  
吾子方強仕襟期最老成喧聞鳥亂集歛聽鳳孤鳴  
行已謙而讓持心厚且誠相看情款洽有問對詳明



再世儒冠素三年秘閣榮以除遼所選論省諒非輕  
營帳稱強翰  
天威想濯征海激鯨已戮地曠物多萌望重官儀肅  
民安吏務清濟時紛筆議展用幾書生抱志能茲念  
流芳在此行秩卑猶吏屬祿足代躬耕曉日灤江渡  
秋風鶴野城蒼茫連渤海控帶本營平綠水開蓮幕  
青山送去程宦遊真衣錦別思任懸旌有道開先世  
孤標振直聲遼陽回首處未用愴離情  
送忠翁南歸并序

元貞乙未春翰長忠翁年七十七致仕  
南歸行有日平章張侯同諸僚家祖道  
於遂初亭館予亦忝陪席次明日賦律

詩廿四韻非敢以為詩庶幾表吾  
皇元宗儒重道跨越前人相府瞻懷始  
終盡禮張大績鹿庵之既詠歌見楊月  
之榮豈惟

上國之光華永作翰林之故事其詞曰

供帳都門讌非緣歲例過右相城南別墅每歲春例一燕諸公時清連  
勝日簪盃半鑿坡酒美凌金谷歌酣掩艷娥盛於清  
洛契用裴晉公上巳同柰此別筵何愛客終青願傷  
離賦綠波散花簪席帽泥飲捲鸚螺人世真流梗年  
光易擲梭璫軒涼吹急綺席落花多滿粉霑綉吹  
香入袖羅暫留春色住莫戀去程搓峻秩慚同列醺  
容慘弗配新亭收老淚官舸送長河



聖代吾儒重詞林寵數頗諾從丞相允義見相臣番  
祖錢賢疎傳衣冠似永和生還梁庾信曠重魯鄒軻  
盛事傳千古儒流聳四科丹青前日畫歎息路人歌  
有客孤吟情臨風西鬢皤圖南鵬運海遠樹鵲依柯  
早晚同長往徜徉隱澗阿此懷從落莫起舞且婆娑  
道在無南北朝家立賢無方果材非謾琢磨醉歸扶  
路晚里巷認鳴珂

賦手植檜酒鍾

千載東家檜榮枯與道俱鐸沉金絕響鳳去洛遺圖  
元氣蟠根祗斯文見盛況器圖傷夫制核削嘆非枿  
梁棟無隆用杯盤伴飲徒泛香宜盍齊奠獻媿龍觚  
沾溉餘周魯淵源挹泗沫雅同吳壽鼎高亞博山鑪

刺口論三代高歌共一壺或延中聖客或約醉經儒  
閱古因懷昔相看醉拚鬢蒼煙空左紐偃蓋凜相扶  
歸詠絲堂樂樞衣闕里趨回思鐘鼎事一笑付桑榆

哀曹府君詞

維至元乙亥夏四月癸卯前行尚書省  
左右司郎中曹君卒於鄉里後九日聞  
訃遠有令開廩極隄予特請行將致一  
哀既而不果逮十四夜見君於夢邀予  
坐故第前楹汛條供具促膝晤言話其  
平生甚悉夢中相對為戲敬也覺而賦  
此聊伸白馬素車之願二十日辛酉命  
州屬吏路材代予往奠俾火其詩於栢



原以告君墓，魂而有靈尚克昭。嗚呼  
哀哉君諱松年，字壽之，享年七十有五  
世為隰州隰川人。

聞訃，綰三夜衣冠，夢兩楹，消除開故室，拂鬱話平生。  
息弱哀無託，才清老有聲。撫懷思攬轡，將事過持盈。  
細札紛遺簡，謂二月有書山煙慘樹旌。素車空佇望，  
桓馬想悲鳴。懷舊星臨曙，傷貧淚滿纓。紫川西邁意，  
端欲為君行。

送趙克敬判定武

趙子公侯裔，雍容館閣才。美除官定武，增秩自邢臺。  
喜溢家人敬，春融處士懷。沼蓮香莫府，衙鼓響廳階。  
雲靜靈光塔，風清雪浪齋。敢辭推按劇，那憚簿書埋。

任責騰聲譽，隨時免謗猜。不教民事緩，肯失上官諧。  
人樂家餘務，官清甑任埃。鼎祥新有說，世系舊為裁。  
華胄淵流遠，慈親壽域開。嚮來餘藻飾，此去要培栽。  
惜別輕三載，離筵重一杯。君看忠獻業，起擢此中來。

省題詩

紅藥當階翻

紫殿春光晚，芳叢夏景暄。綠萱垂地合，紅藥當階翻。  
粉葉金腰束，姚旗絳艷繡。涼颺飄碧砌，清影動朱軒。  
白傅吟何婉，玄暉思不煩。願瞻栖鳳地，折贈詎容言。

朱干玉戚詩并序

至元二十五年戊子秋八月五日夢  
先師泌陽府君命賦此題寤寐中得成



韻語者教句既覺因足成之

禮制詳三代軍容備百王錫千朱作飾戚秘玉為章  
持總如山立張皇見武揚威伸三令肅近作一身防  
高翦歌周雅夷清頌漢昌格苗先此用萬古仰虞皇  
以謂帝舜敷文舞干金不肖武致苗頑自格後世以  
征伐有天下然後象干戈修樂舞以彰其成功此後  
不王之德也

何泰政母夫人哀辭

友義當匍匐無從涕泗連升堂元有約臨窆不容愆  
念子初何異嗟予重惘然會酒陳清酒孤酌廣平阡  
享福年幾百升堂拜慶三丰容宜象服陰教動周南  
子孝終身慕家貧極旨甘併將風樹感彤史後來譚  
德邁魚軒貴恩涵鳳沼春遠遺彤管美淒斷素車塵

在母稱賢範康時產異人故家桃李月何止詠蓼

仲和張君孝友純至來求詩因賦此以贈

揚歷滄江客康寧白髮親官游非不達純孝與為隣  
養志曾參事遺美考叔仁汴都三萬戶獨擅一家春  
致樂如君少長歸便母安物生皆有養色順最為難  
夏清簾幃暑冬溫枕被寒慈顏何所喻庭柰見來丹

題常仁鄉運使西覲紀行

九萬鵬搏翼孤忠駕使輶功名元有數風雪不知遙  
抵北踰鰲極維南望斗杓胡生搖健筆且莫詫東遼  
出五代史突厥附錄同州郃陽縣今胡塢亡歸中國作附屬記  
三策條民使逾年致節旄驚羊脚日嶮歷幻人小  
碧盃昆堅異黃金甲第高白頭書卷裏留滯敢辭勞



太平宴二詩

海寓初無外，王師信有征。乘旋麾戰旅，漏網得奔鯨。  
清晝來三捷，歡謠沸百城。從今田舍底，白首樂昇平。  
西北烽煙靜，東南海浸清。太平元有象，帝宸見餘禎。  
敵無多殺推，恩屢減輕公堂。歌舞處，秋氣正凝平。

冬日即事

曠處沃飢火，哀榮笑物情。百年能幾日，半世太勞生。  
白首耽書苦，黃金過眼輕。有懷如此癖，何往不艱征。

壽韓生弘

資秉天然厚，青衿雅韻多。執經忻鼓篋，入室鄙揮戈。  
杜壘吟來細，韓牆氣欲摩。致身忠與孝，會見奉璋峨。

哭友親完顏仲希墓

宿草西河客，隆齷塞外春。死留朋義重，生與醉鄉隣。  
天老株林雨，魂香蟻穴塵。我來還獨酌，黃葉鳥聲頻。

挽吳衡甫

波蕩江湖士，來從隱逸居。醉吟忘楚越，箋學到蟲魚。  
拊髀驚凶訃，嚔巾覩故書。慨然西望斷，山色照空廬。

壽王子初

近世佳公子，詩書看起家。處身何不可，致養略無加。  
信厚歌麟趾，文章策劔華。一樽添壽酒，猶及泛黃花。

秋夜月下獨酌時回自燕都

堂虛生夜白，院靜散蟲聲。月下一杯酒，胸中無限清。  
艱難吾道事，冷暖故人情。為報南枝鵲，安栖不復驚。



治穢

聖戒防微漸，常懷蔓莫圖。菊荒疏笨筭，竹密斬繁蕪。  
舉目晴山近，當軒佐石孤。放教今夜月，清影滿庭隅。

贈彥政副使

一世佳公子，氣涵渾水春。衣冠逾遠澤，麴蘖豈謀身。  
白璧詩名重，清燈客舍新。不妨宛馬足，暫屈到河神。

清明日南寺對雨時在東平

寒食無家客，禪房喜雨餘。坐深僧話永，心遠世緣疏。  
厭捲柳瓢醪，來參貝葉書。傍人從不悟，有待曳長裾。  
酒榼尋春晚，茶甌破睡餘。庭虛花寂寂，雲淡雨踈踈。  
有待存終始，無心望簡書。何當玉堂客，脫此馬。

秋夜

卧榻鋪筠簟，風簷透晚涼。雲枯涵早氣，星爛射寒芒。  
鍾鼓寒更永，乾坤夜色蒼。時危閑百慮，低首拊空床。

出門

因酒取佳意，方知百拜輕。忘機甘李喻，重賦赤霄行。  
踈拙傷吾性，傾危見俗情。出門山氣好，秋色浪崢嶸。  
挽真定史二相君

凭鳳攀

龍起詔蟬奕，世侯九天資。岳牧一夢忽，山丘淚洒延。  
陵劍駭停魯相，輒八州遺愛在潯水。日東流。

挽武安道

故夫邯鄲步，憂分陋巷箠。持身心已亂，得病衆知難。  
夜月琴絲暗，秋風旅殯寒。人生罹此極，命矣復何嘆。



壽雷彥政

南渡衣冠後如君不數人氣涵渾水秀色映塞垣春  
靈沼儀周鳳高郊獲魯麟壽杯傾菊露同拜倚門親  
去歲龍沙月流光共薊門寒華驚晚節客舍壽朋樽  
取友襟期在傳家命脉存今年秋色好笑語北堂溫

白松

霍岳祠南寺奇松勝所聞孤根生得地衆木迴難群  
霜雪封琪樹丹青變錦紋山靈應見惜時與護晴雲

早發泓芝驛

西邁經猗頓鳴珂夜半過天低平卧斗野迥陡懸河  
赤日三唐伏紅塵兩鬢皤老懷多故際吟短不成歌

奉酬胡紹開外郎

畫省胡員外都城憶昔遊分携無半載渴仰若三秋  
已辦催科拙寧頓任智憂何當憤宿願相望兩山州

星子鎮道中

北下星關道川開百里寬夢殘傾錦恰吟細緩征鞍  
土峽深回洞山田疊醮壇一杯亭傳酒來為敵霜寒

題栢壁鎮

峽古疑天設營空故壘存捐金行楚間力戰決齊吞  
馬足沾霜健山煙漲日昏治安誰有策一笑出關門

夷齊墓

遠避東鄰虐還避北伐頻與天重立極叩馬死成仁  
落日悲歌壯東風紫巖春一饑雖可療終媿是商臣

舜井



廣孝銘遺井千秋仰有虞側微多在困捐沒失之誣  
喬木非三代雲煙接兩都依、風樹感不待露霜濡

河中

歷按河東道蒲津勢最雄河山全晉鄙土俗奉秦風  
野日連墟壘孤煙認佛宮論功無渾馬極口說先公

登歷山聖人巖

形勝開三面臨觀醉魄醒松悲虞泣涕石老象頑冥  
澗水縈瓜蔓荒山卧虎形野人無所解尊禮九真靈

跋運使張君會琴圖

雪徑尋無路東林素有期琴絲凍欲折風袖曉還披  
偉觀疑韓愈幽林付顏師無由陪杖屨只悟畫中詩

田間

斜日秋瓜圃雲間雨過初平疇交晚吹涼意滿輕裾  
草木浮元氣河山擁草廬拊心欣有得重展故人書  
雲帶山籬薄溪橫舍屋斜卷懷忘仕版作苦事田家  
疎散歲吾拙敷榮眷物華晚涼沙岸靜植杖自耘瓜  
漠、西山兩東來意甚徐潤深滋厚壤洒密下平蕪  
巢燕歸飛急林鳩得雨呼有金堆積斗能揀膜乾無

過萬泉縣今廢

縣倚孤山碧崗圍落照紅一丘歸慘淡十室想豐融  
絕澗縈樵徑懸崖半土空物繁耕壤狹寧得不唐風

周幹臣詩韻和

近得閑中趣都無俗物侵風霜驚老鬢道德負初心  
枕倦書橫膝庭虛樹有陰殷勤周吏隱時遣道清



題有趙義士三侯祠

雙塚連遺廟，風雲擁義壇。難興忠可壯，事集死尤難。烈日丹衷皎，青山白骨寒。一杯來酌祭，用激懦夫肝。

禱雨孚惠靈祠

夜半清源道，來伸禱雨誠。壇圓形覆釜，泉邃碧為泓。霸業開三晉，風煙暗九京。一杯臨水生，便欲濯塵纓。

慶王文子壽八秩之壽

遺愛汾西政，耆英故里居。期頤八十壽，精健五旬餘。捨策春流憩，金龍燈夜注。書更憐溫清，除蘭玉滿庭除。

和秋漲二首

泉峪從共會，奔流到衛雄。新詩來幕下，歸興滿丹楓。  
取沙陵胡為只合例 怒捲濤山北，雄吞海若東。我思泛舟後。

氏泛舟之役 輕惜幾千功。  
謂太宮之水

兩後聞溪漲，先聲噴薄來。氣嚴千騎駛，波急萬窠回。終古朝宗去，神功念禹開。寄言歸義子，款塞莫遲徊。

禹廟

唐在安邑故城內甲寅

玉帛中天會，謳歌萬國心。

尚負黃

溫國公故宅

雲表台

故里深，砌松高。鶯三鷺。

愛極滄島

吟繞園，欣細履。何限敬。

秋澗先生大全文集卷第十二



秋澗先生大全文集卷第十三  
五言律詩

哀尚書高公詞

維至元十一年甲戌十月壬子故吏禮部尚書高公以疾薨於位嗚呼哀哉明年乙亥夏四月丁巳考工使者蔡鉉自相抵晉始知公靈襯歸葬安陽秋口鄉臨穴者幾萬人僚屬士友會哭皆失聲慟辱知最厚嘆斯民之無祿痛知己之難遇自非歌詞無以寓餘哀而露情臆也迺作挽詩三篇表於素旂之末尚冀神靈鑒茲哀悃其詩曰

甲戌三月十八日校日八日恭甫經以福建  
翻刻聚珍版書見



翰學期公淺，謨猷冠一時。立  
朝稱極諫，連茹愧深知。斗舌承天眷，風神夢羽儀。此  
揮千字誅，悲絕七哀詩。思公情曷已，漳水日東馳。  
風調翔麟士，文章太史辭。行身無少玷，持論有餘師。  
落日孤忠壯，秋風兩鬢絲。幾行知已淚，東望重淋漓。  
問望群公表，枝撐大厦材。印窠空瑞錦，風憲照蘭臺。  
反拭驚麟出，云亡動國哀。千年遼海鶴，華表倘歸來。  
枝撐一作扶持

送成擢卿尹溫縣 時河內連歲蝗旱

邑古仍卿採，民庠待尹蘇。千年留故事，一治聽歌襦。  
鼎鬲調應切，山川慘未濡。莫辭淹兩考，留潤溉焦枯。  
奉題趙侯禹卿東臯林亭

雅性便林壑，紛華厭市城。庭柯交美蔭，好鳥變新聲。  
喜見桑麻長，誰知寵辱驚。門前輪袂滿，一醉共秋成。  
物我同天壤，流年遽代更。高臺方畏景，喬木已秋聲。  
熟熟盛哀理，都忘悔吝情。只須多釀酒，時與故人傾。  
今年秋穫早，臺迥暮登時。野徑人歸晚，煙林鳥去遲。  
有來飛蓋客，日課讀書兒。適意有如此，外安所期。  
築臺連野色，架木繫瓠瓜。舍外開三徑，壺中自一家。  
愛吟歌白紵，驪酒脫烏紗。更喜南廳下，秋風菊半華。  
野迥門開早，心閒起自慵。林香菊社甕，山暝倚吟筇。  
半醉留佳客，深耕愛老農。晚眠誰復覺，墻外月明春。  
趙侯敬愛客，每云相見稀。不辭高會數，但恐賞心違。  
白酒夜來熟，黃花香正菲。宿僚多暇日，無惜過柴扉。



重謁棲桑昭烈帝廟

百里燕南道山河統帝宮荒村仍故里喬木幾秋風  
簡冊經綸在丹青戶牖空寥々千載下無愧孔明公

固安道中時至元六年冬十月巡按四州

十月燕南道提封入按巡清霜嚴比雪枯樹老於人  
尚遠經綸妙須勞撫字頻前林鳥鵲盛喧集戀餘春

除蝗時被命捕蝗武清縣

千杖呼聲急人懷愾敵看日長旗尾困圍促鼓聲乾  
人與蝗交戰天將雨助殘東林茅屋底客枕夜來安

秋日過濟衆僧舍

院靜鐘鳴後僧閑暑退初過門無俗客閱古得名書  
袖潤香留几心清月印印疏伸殊襟爽在開口見真如

送紫陽歸柳塘時遊孔林回

千古文章事江河不廢流苦心公正閏書法繼春秋  
夢繞秦山遠天教闕里遊會將洙泗教行復丐西周

午憇陽城北龍泉寺

倦客鞭催急龍泉一解鞍在家貧亦好行路古來難  
寺古松杉老山空水石寒萬松亭廢久重拂短碑看

碑大定間澤州刺史楊庭秀撰真奇作也

簡寄龐雲卿時自滑州判改授濟源令

軼井千年邑提封百里侯剖繁人有賴治簡事彌優  
白鳥翻林表青山滿樹頭訟壺歸去早總是釣詩鉤

元日夜燈下即事

五十又加三行歲默自語去年留薊北今歲客漳南



官事何容了君恩未報慙白頭青鏡裏哀謝百無堪

詠史開府宅鵲

超遙華表客吹落故侯家孤潔真仙驥飛鳴稱彩霞  
困眠依竹石飢啄半蟲沙會待秋風舉葉雲養頂砂

清苑道中

野店春風裏行人避綉衣劍華寒有暈山日慘無暉  
孤隼梢雲下群鴉結陣飛驚鷗無遠泛事外本忘機  
又作登清吾有  
志天意肯從違

至元十七年正月十三日巳刻出完州抵

暮八保定夜未分雪大作至翌日午刻方  
止偶得此詩預喜歲事之有成也

曲逆連清苑相忘兩舍中朝驅塵沒馬夕捲雪填空

已滌崇隆盡仍歌歲事豈小紅燈影底一笑覺春融

一作誰云吾分  
薄所向得災凶

答蘇州天寧寺長老

洒落天寧老携尊復袖詩逢場間作戲來謁老監司  
白頂憐鄉土清吟說阿師一杯供客笑聊用當門樞  
一作枉教頭腦  
異初不問天

座中偶得示舜舉舊遊仲賢良醫

半載東州客崎嶇笑自淹事隨時即故老與病相兼  
發伏遺姦積寨惟愧具瞻君恩如許報白髮且休添

龍門寺

寺古僧何在山空石作門碧崖懸瀑影蒼峽掩朝暾  
不惜山公屐重登謝傳墩一杯須軟脚掃葉煖清尊



辭長樂先壠

己丑歲秋九月二十六日將赴任福唐

拜辭長樂先壠歸宿野竹趙氏田舍且

喜聞村之故名因有是作為野竹趙氏田舍

別遠辭先壠歸遲宿近莊客臆疑夜暖野兩變晨涼  
游官嗟吾老不弱居仰歲穰故鄉猶作樂誰遣去朱芳

又

展墓過農里街恩使遠方氣隨天北轉人與雁南翔  
肝胆孤忠在江湖去路長此回當自信不必泥行箴

飲食

飲食資吾老行年六十過三升元有料一口不容多  
過爽心隨滯長虛氣便和須移遠步聖藥有東坡

辭先壠後臨行作

義重烟嵐薄人微使節先桑榆雖晚景事業見炎方  
回響知非遠趣裝苦未涼交親留少住馬足健秋霜

望舍弟消息三首

憶弟居穰縣嗟予宦建陽三書曾未報一別謾相望  
喜信占晨鵲清吟夢夜床殘年能幾許長與汝參商  
後會期初夏遐征動暮秋萬金書渺渺兩地思悠悠  
問竹過門巷看雲倚郡樓南遊曾有話會上沔陽舟  
居守紫家累懷歸畏簡書人憐英蕩重我覺宦情疎  
緩進需安信頻呼斫素魚後溪上月北望想踟躕

送趙克敬任孟州同知

于為侍制時

趙穆從英妙詩書性所安鄉為太史屬今作孟津官



事辦時為切民恬責政寬老夫江海去州縣莫辭難

蕭相國廟

在下邑東南五十里即蕭縣廟在縣北門外

下粟東南陸鄴城井邑空圖書秦府夢蕭鼓漢時宮  
喬木秋煙慘頽垣野燒紅教鄉供野祭歲不期同

火獵自歸德以東皆用此法

綠竹連罝遠蒼烟蔽野昏兩傍羅草伴一火起群奔  
從手遮麋鹿張弓得艾豚縱觀思獵較積柴散燒痕

汴堤道中

細竹沿堤綠秋烟蔽野蒼路荒經柳子山遠指芒碭  
勉進心還尾懷歸事巨量縱令空往返猶得看維揚

十一月三日宿淮寧夢搃帥史子明見

教

矯：常山師相望間楚齊夢中親與誨身外別無提

切囑心何朗臨辭手重携何時揮老淚墓額拜征西

次宿遷望紫山不至

河廣舟航小堤長市屋早宿遷元隔楚淮甸舊連邳  
濁浪隨清變香粳問客炊紫山前有約抵事北來遲

淮安州

平野圍淮甸雙城入楚州喉襟開重地鼓角動邊樓  
聞鴈思鄉信歌魚撫劍綬此行安所遇江海任浮鷗

是夜驛亭無祇待故有歌魚之句

寶應道中

共說淮南冷今冬氣陡增雲垂梅野雪風結漕渠冰  
事弊尋常密吾哀用不能據鞍時自笑休苦直如繩



出寶應雪中舟行

避冷乘官舸，風蓬去若奔。兩陂雲影黑，一片雪花繁。景與詩相會，寒無酒可溫。沉橋投宿處，寒日暮鴉昏。

高郵道中二首

築甬餘三百，灣環護漕溝。重橋穿寶應，一岸入高郵。水陸開亭轉，烽烟靜塞愁。腰纏無十萬，官遣上揚州。湖浸通淮水，孟城隱楚防。百年勞士卒，一擲失金湯。陸走無閑禁，舟行半海高。此邦多秀彥，國士說秦郎。

召伯埭

謝傅留遺愛，千年尚不忘。埭名同召伯，郡號屬維揚。煙火今中土，干戈舊戰場。誰平野樹人，指是甘棠。  
一作斬橋穿市過十里藕花香又  
一作野人誇藕脆滿口嚼冰霜

揚州 贈史左丞拔都特宣慰維揚

淮海維揚域，金湯勢尚存。車書歸一混，鯨鱉失孤吞。樓鎖行雲夢，岡環洗玉盆。治安君有策，長嘯出東門。

衢州二首

我歷江南郡，凋殘不似衢。兩坡稱鬧市，一炬變荒蕪。反側誰無識，瘡痍意未蘇。殷勤陳別駕，不厭拊循劬。早發三衢驛，開關放曉裝。江風吹帽側，山月照衣蒼。馬渡浮航水，雞號野店霜。爛柯聞有局，無分躡仙梁。  
州南三十里有天然石梁  
長約數丈謂之爛柯仙界

玉山道中

石徑行無盡，清溪送馬蹄。啾啾啼野鳥，擦擦喚多泥。松暗增晨黑，川斜入望迷。比明三十里，已過玉山西。



常山道中晚行

土蹬盤黃嶺，人家住碧峰。焚林人逐獸，競渡木為龍。  
水獲無過夏，山行不識冬。斜陽留絕景，不放晚烟烘。

信州道中

控帶谿山嶮，襟喉福建門。吳音饒缺舌，越鼓聳邊屯。  
岸闊浮航小，城卑夕靄昏。不煩詢土俗，煙嶺互相吞。

石溪道中

赤嶺鉛山界，清溪野店橋。林林烟漠漠，沙路雨蕭蕭。  
馬慣行安嶮，禽幽語弄嬌。西山晴更好，詩思苦相撩。

主僧希聲留題 希福州人

鵝湖寺已丑冬仲望日雨中過此坐間為  
湖頂開鵝沼，川形偃法船。寺留金粟影，僧結草鞋禪。

地勝多珍木，山空響夜泉。寺僧談遠跡，張本永貞年。  
唐順宗年號

閩中

錦繡無諸國，曾經漢武荒。祝融開火宅，颯母擅風囊。  
淵萃逋逃藪，人依虎兕鄉。閩中不識雪，何有豸冠霜。

閩清湯池留題

熙寧十年八月赴福，唐元豐元年九月被  
召還朝，往迓皆經此。十五日南豐曾鞏  
題，僕以大元至元廿六年己丑秋按部來  
閩，與公裔孫冲子同事。明年秋以理去官，  
與先生往還時月略同，曠世相符，有似非  
偶然者。摩挲蘇刻，留詩而去。重九前四



日小子憚序

潦倒嗟吾老，淹留近歲終。客星回海上，桂棹發關中。  
遠宦無遺累，歸帆得順風。湯池看蘇刻，往返似南豐。

建寧北苑宋寧宗曾開印於此

北苑繁華歇，名猶博望尊。野花疑屬珥，徑艸半蘭蓀。  
軒縣歌鐘暗，宮樓峻址存。我來凝眺久，喬木晚煙昏。

望嶺

谿嶺無千里，崎嶇半月間。事機須勇退，天意許生還。  
順處從多厄，趨時免強顏。越禽忻我往，長路語關關。

鵝湖道中

細路山園靜，煙蘿野寺濃。俯躬非峻嶺，仰面看喬松。  
道在從時背，才疎助性慵。有身官不屬，一任老龍鍾。

是日得臺報故云

題柯山寶嚴寺壁

同遊者山長趙文龍前教授徐夢龍  
友教官余杜道三人皆廣信人徐有文筆甚健府推官

保定張式儀卿別駕東平陳珪國寶子  
公孺侍行至元庚寅冬十月望日秋澗  
老人題

龜阜西南麓，名山世未雙。爛柯仙有局，絕觀石為缸。  
事去空遺史，風恬爰此邦。來遊情眷眷，留詠寄僧臈。  
喜得陳張友，來遊興不孤。江山開恠供，風月闋清都。  
閱世驚棋局，看題倒酒壺。暮歸應秬載，只欠西為圖。

首夏家居即事



懶情從鬢髮披衣任曳裾都忘身外事會請意中書  
比老心能爾雖貧樂有餘繞園收細履樹影綠扶疎  
竹茂清泉潤花榮藉圃沙鉤簾來舞燕鎖樹護栖鴉  
客至留醅酒吟長待煮茶幾時容却掃一向似仙家

方竹杖

節勁嫌圓甚形方與衆殊任從炎漢斷不變魯人飢  
心曠謙中守姿堅義外扶蜀筇非我友釐簡乃吾徒

枯燈花

步入東瀛苑吟看北檻花春風收翠葉烈日發炎葩  
一氣元無間孤根乃爾差鄭箋初不及竟詠只空誇

送杜簽事之任江西

憶在齊州日同聯憲府鑣群居推健羨孤繫更超遙

此去雖殊域規為祇舊條將身能道護所至儘風標

和幹臣重九日雨中醉歸韻二首

高會有成約寧為一雨妨烹鷄酌白酒煮芋嗅秋香  
落帽同嘉興霑寒等陸郎醉歸從健倒聊復少年狂  
今歲登高節佳招兩有妨閉門時隱几掃地靜焚香  
安得黃金耐同傾白首即醉鄉多樂事何祇發詩狂

事一作地

舍弟仲略題孫鞅郎名字說後

訓汝諄意竒文見廼翁洞堅威可大栖鵠體須中  
既應開先兆當知矯揉功遠期遺近効羽夾看摩空

贈樂子英詩

子英外郎孝廉士也十年前予與共事



於沙麓者凡兩月今歲秋將

命過衛踵門來謁話間因及親喪事予

以伏臘二氣遇之者固異然歿而不壞

及膚髮猶生如樂氏二親者蓋亦罕見

豈廼翁與媪生有所積而歿有以孝心

之所感者然耶乞言顯親書此為贈其

辭曰

孝感元多異樂翁見化形初終神不昧將祔兩猶生

盡謝青蠅吊堪書翠琰銘百年風樹底悽斷夢莪情

贈岳鍊師仲和

今年八十四健勝去年時豈假還丹力沉潛繕性辭

骨清儀野鶴神足見毫眉更有虛明處物來多預知

月桂

花名誰品藻歲與月華新不為孤根細能留四季春

色深丹竈術葉映碧苔裊我近雕欄側終朝倚杖頻

賦白鷗

羽族幽閒品霜毛縷黑章聳冠矜耿介蓋用栖止不

顧影惜飛翔去倘虞人貢行觀雜于衆禽也

上國光刷毛琪樹底無夢海山蒼

京華舊俗歲終廿四日諸神上界夜家人

設祭遣奠致詞且有過惡揚善之囑遂作

小詩庶見風物

五祀開三代人間閱歲華交更同選調遣奠具餽茶

天閱神駟燈清喜結花逢新如有問萬一善相誇



和曲山冬夜郎事韻二首

清苦周南樂，居官素有聲。老天何汝困，公道欲誰明。  
瓶罄憐三白，衾寒盼五更。捋鬚傳賞識，吟苦撚霜莖。  
雪夜清無寐，瓶笙細有聲。茶鐺吟待熟，虛室白生明。  
白髮催人老，青陽迫歲更。湛思盤露重，何意望脩莖。  
奉酬舍弟仲略見寄之什

隔閭三年別，回還萬里程。細吟違遠句，深見友于情。  
路眇霜風勁，吾衰體履平。家貧渠亦老，一動不為輕。

挽宋耀州漢臣二首

每有遊秦士，慙慙問宋侯。相望無兩紀，一別便千秋。  
斗酒新豐客，堂封渭水丘。題詩何限恨，老淚不成流。  
斗酒新豐客，龍門接上游。相望總兩紀，一夢便千秋。

銘德辭無愧，親民政最優。兩行知已淚，撫卷為君流。

辛卯歲十二月望日大雪連明，信宿開霽，  
日色暄妍如春，乾坤清淑之氣肅，可挹  
數年來未之見也。作小詩以紀。

我覺今冬氣，全閑燮理權。一寒嚴往歲，三白見豐年。  
地掩浮陽靜，天開麗景妍。不應薪米價，愁計畫叉錢。  
五加皮酒

服食園中士，加皮說異常。精華含五氣，補益最多方。  
不羨黃金載，長澆白玉觴。豈惟除濕痺，志意日安強。

題杜氏六子名後

六子名三老，餘芳見故家。翰音鳴彩鳳，翠茁映蘭芽。  
出拜濟南日，今看漳水涯。一謙能事畢，題詠復何如。



燭花詩李真人索賦

燦：銀臺燭清光散彩霞誰分壺內景來種火中花  
一轉芝岳蓋孤芳蕙茁芽殘年如喜命世事任無涯

火觀

兩手寒來疥摩沙手賴汝温形骸雖土物氣勢炙權門  
燕玉休誇暖湯婆可比尊心兵全不起留在谷神存

題甘河遇仙詩卷

惚恍甘河遇生龜脫殼時二仙形姓字一酌悟天堯  
八道茲玄微尋源接上池崢山文最雅畧不見訣辭

和仲常牡丹詩并序。三月廿三日飲中作

仲常良友氣温而德雅余愛之重之未  
有擬諸形容爰因賦詠遂見膚歌故情

之所鍾有不嫌於太切者其詞曰

漢殿承恩早金盤薦露新色酣中省藥香重錦窠春  
儘殿群芳後誰辭載酒頻青如司馬相也作挿花人

題郝氏世德碑後二首

其嗣侯今為蜀省泰政所  
謂和尚萬戶者是也

故國非喬木雄藩有世臣河山盟帶礪勳業盡麒麟  
白羽沉蛟匣青雲滿後塵雅歌平日事遺愛在斯民  
草昧經綸際恩威見郝侯功成韜將略德洽配汾流  
金甲春農野黃雲畫角秋哀榮何百世千古仰山立

八月十二日夜病不能寐步月達曙

官事未易了癡兒昧獨勞病多和夢異蛩苦為秋號  
事業青燈苦星河紫極高  
帝城人海裏汎一漁舫



大行皇帝挽辭八首

至元三十一年歲次甲午正月廿二日

癸酉夜亥刻

帝崩于大內紫檀殿既殮殯于蕭牆之  
帳殿從國禮也越三日己亥寅刻  
靈駕發引由建德門出次近郊北苑有  
頃祖奠畢百官長號而退臣揮職在詞  
館追思不已作挽辭八章庶幾鼎湖攀  
髯之意其辭曰

灤水

龍飛日長揚羽獵時

天顏凡五見兩淚遽雙垂化日中天赫

陰靈萬國馳何由知

帝力耕鑿樂雍熙

晏駕終經宿情車出國門千官紛兩淚

六馭迅龍奔雲氣蒼梧遠天山禹穴昏依光瞻日月

頌德象乾坤

威破群雄膽恩藏四海心聲明三五盛垂拱九重深

國論多儒斷天機入

睿臨小臣罄方面血無路洒松林

聖神由廣運纂述到無加禹甸逾輪廣殷邦極靖嘉

尊臨三紀久遽陟九天遐白首金鑾舊長號自倍嗟

端月辰臨酉

淵衷弗寤興紫垣逢慧宇杞國駭天崩法從嗟何及



朝臣痛不勝

聖靈知在上春艸認封陵

去歲回

鑿輅旌麾擁萬靈今春辭畫婁弓劍閱泉扃

黼宸虞瓊島雲龍慘

帝庭是夜殿庭間有光煥爛詞臣思補報淚濕簡編

青

論治方堯禹求賢到釣耕民區無二上廟筭有奇兵

萬寓風煙靜中天

日月明小臣思頌德終了是強名

帝系三宗上麟經一統尊火盤承正據虎落入雄吞

窮覽南交獸奔騰北海鯤不教留一索遺恨付

皇孫

題冀州馬同知拜慶詩卷時九十七官鄉

雙鏢征南將忠勤為國知任官無調轉言子壽到期願

錦爛行春里香生拜慶詩滿前蘭與玉又見福生基

秋日下午直玉堂

下直玉堂廬閑拖過市車秋風殘暑候積雨暮涼初

撥置難行事尋看未見書萬緣前已定不樂復何如

饒安南國王弟回鄂渚

萬里朝天道歸軒寓武昌親光吳季札助順漢閩王

寵渥心逾赤詩新桂有香慶棹回首處秋月與尤長

雪夜聞鐘元貞元年冬無雪十二月廿二

日夜大雪喜而作此



雪屋燈清夕，疎鐘定夜鳴。撞餘過遠韻，聽久喜雙清。  
爐火留孤坐，茶鐺待一烹。已眠猶未寐，詩向枕邊成。

王氏拜慶詩并引

集賢大學士王顯太夫人張氏元貞丙申壽八十有八，視聽聰明，起居康健，剪製纂組之事，老猶能工。正月十四日，蓋生辰也。中書右丞張公以升堂拜禮，義重諸人，前期誕彌啓之。太母特召見宮閣，存問再四，嘉其賢淑，留誕賜幣，下暨二孫，皆霑寵渥。明日翰林諸君相與奉觴上壽，百拜獻詩，恨當卷首。

九秩康寧壽親承

燕賜恩香融彤管，煒春滿綉輿。溫世與名郎，孝天全五福尊。佩環聲合度清響，徹宮門。

晉仲和慶八秩

君前宋魏國文元公遠裔其家世係見遺山所撰

秋後錄

太史徵文獻，陰功滿諫章。諸孫宜曼衍，八秩見康強。孝義聞東魯，簪纓慶北堂。千秋遺錄後，奕葉又生光。

慶閭庭直壽母詩

洗髓黃眉壽，儀尊五福全。雍容班姆訓，瀟灑謝庭仙。致樂孫能養，居官子更賢。霑恩行有日，香重誥鸞牋。

送喬元朗

疆理初無外，乾坤大統齊。



漢恩同一視，星鳥望中低。  
海甸沉銅鼓，天書坼紫泥。  
皇威能遠暢，歸旆拂雲霓。

榕樹

南來過劍府，嶺岸樹多榕。  
繳結如蛇蚓，堅凝比栢松。  
葉芽生挺代，陰影散芳濃。  
鶯羽辟飛日，凋零却是冬。

五言絕句

贈高邑趙教諭

坐久槐花落，黃金滿石牀。  
一杯春露冷，情話不知長。

冬藏和西山詠懷嚴韻

吾道有污隆，人情逐冷暖。  
自憐心事佳，不覺天機淺。

一作竟教私意無任使天機淺

首居固鮮歡，漏盡行當止。  
只有苦吟心，時為高起。  
巨鈎鈞鮮鱗，其勢兩難著。  
何當掩長圍，為君獵麟脚。  
却掃吾未能，人事日復日。  
泛愛聖所稱，亦復論捐益。  
才疎詩倦吟，年老酒當止。  
君看古井波，澄湛自不起。

安坐

此心與天游，老我無繫着。  
坑頭有春溫，安坐收兩脚。

讀史

紛：世利塗翳，素榆日賢我。  
向長心一損，勝三益。

詠梅

折來何處梅，自擬孤根暖。  
寒花本強顏，風味空不淺。

己亥歲門帖子

不善陶朱富，非悲阮籍窮。  
愛君思道泰，憂國願年豐。



跋呂丈扇頭

井道養不窮濟人非望報過飲投青錢取廉非正道  
秋雲自激

行雲映空明姸姸翻輕轂風吹不成雨日暮空相逐  
夢中得

燈殘細暈黃月落孤牕白惡夢不成眠幽魂驚撇揆  
出門二首

因酒敗佳意方知百拜輕忘機甘李喻重賦赤霄行  
疎拙傷吾性傾危見俗情出門山自好秋色浪崢嶸

望淮  
朝日慘無色昏昏水氣間到淮猶數里隔岸見崇山

夏夜

庭竹影扶疎清風晚騷屑夜涼人未眠卧看牕間月

出門

東風吹陰霾朝來晴霽開放眼門前去青山城際來

雨後看山

西山色蒼蒼雨後如新沐天高晴意寬歸雲滿巖谷

夢中得

持酒濯利劍青蛇光黯然金鞭駿馬汗血沾錦韉

喜雨

癸丑六月旱草木變萎黃夜來聞雨落起舞亂登床

秋夜

西風入庭樹掩冉衆葉鳴幽人不能寐愛此秋雨聲

中秋湖中對月



露冷庭梧墜天高月影長清光不堪掇和淚濕衣裳  
披襟  
涼風東北來蕩盡中夜熱起視河漢星微雲淡明滅

秋澗先生大全文集卷第十三

三月十九日校晴暖

秋澗先生大全文集卷第十四

七言律詩

哭劉房山

紫髯山立蔚揚休書學推君到晉流文塚氣嚴驚卧  
虎墨池星黯失蟠虬眼中人物嗟何及身後珠璣散  
不收我擬九歌投濁浪重傷吾道轉悠

中秋月

夏苦蒸雲歲晏霜月華還覺此霄良天容澄徹銀河  
沒桂影飛來海氣涼老魄不應秋更苦膏心多為事  
相妨一杯儘吸清光了洗我平生芥蒂腸

送王嘉父

新知雖樂道彌親樽酒燈前便故人時宦儘從閒處



看浩歌還愛醉時真。紅蓮幕府名兼隱。春艸池塘句  
有神恨。熟百門山下。水錦波流不到東秦。  
一見襟期倍所聞。霧崑玄豹隱。奇文清樽皓月。應無  
幾赤日黃塵。遽爾分濁酒。可因微恙止天。肥亭為舞  
裙。芬百年湖海。論文地。與在天東日暮雲。

和靖教授送行詩韵

出處初心度義行。蒼天誰識此精誠。十年載質孤懷  
苦。一宦縻人弊屣輕。時事失聲驚破釜。幕蓮晴泛愧  
參卿。夢歸夜。栖巖桂猿鶴無勞久。恐驚。

秋日言懷 時先考卧病

雨後秋堂早暮涼。竹風飄蕩藥塵香。身閒正坐詩成  
癖。親老何堪病在床。書卷日隨秋艸亂。壯心愁入野

雲蒼。摩挲老鏡。蓬窓底也效樊川洗髮霜。

清明日錦堤行樂

浪說蘭亭禊事脩。年春好錦堤遊。花翻舞袖驚歌  
板。柳隔高城暗酒樓。綠樹恐應春事老。金鞭重為使  
君留。竹西路晚歸時醉。何處珠簾半上鉤。

八月十九日雨晚晴

積雨收霖景氣清。物華雖老覺容平。閒雲知倦爭歸  
壑。飛鳥趨林不計程。山姬翠鰲驚突兀。天浮圓蓋失  
枝撐。化權舒慘吾何預。要擬樊川賦晚晴。

上史節使晉明壽

尚父忠勤歷五朝。承家又見鳳遺毛。神鋒洒落青冥  
闕。秋隼騫騰華岳高。治化載清遵定法。德容充擴決



吾曹年、畫戟清香地常對秋香醉露桃

南城納涼晚歸

書院歸休日已曛南城風細晚相親坐來近市喧初  
息歸到衡門夜向分矮榻趁涼欣稚子踈燈留影伴  
厨人一杯粥了從高卧須信閒身等策勳

七夕立秋

庭竹風生好雨過碧梧飛下鳳凰柯人間一夕驚秋  
早天上雙星恨別多鈿合蛛絲遺暗網綺樓雲影淡  
明河柳州羨殺天孫巧其柰微生賦分何

涼夜

祝融怙權不肯退一夕好風吹暑回雨氣淡從雲尾  
散秋聲涼自樹頭來渴懷夢濯西江水逸興歡逢北

海孟憑語蘭臺宋公子莫因雲物詠悲哉

八月十一日夜坐

展轉秋懷鬱不平憮然方寸若為驚學疎久味天人  
理親老尤深喜惧情坐對燈花供笑語靜聞庭樹散  
秋聲大家但使康強了未害窮愁老此生

雪晴望 壬子歲正月

滑春泥雪意融出門藜杖任西東光風漸好茅簷  
喜煙火全疎傳舍空三穴既能容狡兔五噫誰復羨  
冥鴻更為著眼登臺處頗覺江山王氣雄

題何鍊師巨川虛白菴

西風吹下鏡湖船來作空山避世仙採藥遠辭滄海  
上結茅歸老白雲邊鑑光應物元無物素質能玄本



不玄莫遣碧桃溪畔水暗香浮出洞中天  
鵬雲蹤跡若垂天收歛都歸一室間塵鏡淨空祥已  
止松巢枝穩鳥知還潭心印月清無滓谷口橫雲意  
自閒想得翠蘿幽隱處天風和水瀉空山

太康辰江亭

籌筆規模蓋世功新亭高構繼遺風乘秋閱武邊聲  
靜臨水投醪士氣醲騏驎繼開空塞北樓船行復下  
江東慙慙淮水東邊月幾照元戎坐折衝

送紫陽歸柳塘

掛冠神武急趨裝歸隱秦中舊草堂海內共知元氣  
在井邊已仰德星光眼明華嶽蓮峯翠路入函關草  
樹黃預為山靈報歸日綠楊陰合鄂南庄

送蕭四祖北上

丹鳳銜書下紫庭秋霄光動少微星蒲輪再起秦遺  
逸天意將新漢典刑長策正勞黃屋夢故山從使白  
雲扃中原有幸經綸了天外高鴻本自冥

上閣學士

初來軍儲字子清蒙  
古人官至中書左丞

六轡聯翩走使車繡衣風彩漢相如紛：漕計歸鞭  
筆戀：丹心在

帝居折節不知軒冕貴濟時行奏便直書從今慰却  
蒼生望一點文星照玉除

壬子夏六月陪蕭徵君飲方丈南榮同會  
者烏大使正卿董端卿經歷學士徒車雲  
甫張提點幾道王秀才子初泊家府小子



憚隅侍席末云

脩竹脩：風滿廊夜深樽俎得餘涼  
浩歌聲繞銀河水畫燭光凝燕  
寢香雪蟻十分浮大白德星一夕聚  
高堂停盃更待東山月要吸清光洗肺腸

送王子初東行

岱岳西南碧海東青齊中據震維雄  
驚猿別鶴休增怨詭觀竒蹤得盡窮  
劔暈寒揮騰寶氣馬搖金蹀健秋風  
欲知別後相思夢多在西山紫桂叢

杜君美耕隱堂

厭喧耻向市朝居歸隱南城舊草廬  
黃葉落時農事隙青燈明處夜窓虛  
寫懷草就凌雲賦貯腹看殘種樹書  
翠竹白沙村路晚月明幾駐故人車

春懷和木忽坦夫韻

茅屋春深懶閉藏出門藜杖獨相將  
春光暖透芝蘭谷風色如殘桃李場  
論政舉知南國弊賦詩休詠北風涼  
浮雲軒冕非吾事擬訪無功覓醉鄉

雨中與諸公會飲市

每恨人生會合難興來一醉盡君歡  
雨沾翠佩簾花細酒凸金杯飲興寬  
胡旋舞低翻翠袖串珠喉穩怯春寒  
朝來酒醒蓬窓下依舊春風首帶盤

秋漲後晚訪王柔克書舍

種柳堤邊起暮吟黃金不博百年心  
垣墉傾圯水初退門巷蕭條秋向深  
但遣歌詩酬野逸儘隨鄉社共浮沉  
鄰壻酒美中秋近明月柴門約重臨



報子初以書見慰

擁鼻吟成嘆索居，眼明驚見故人書。邊城秋靜沉寒  
林，畫戟門深曳翠裾。契濶祇應分一水，笑談曾不廢  
三餘。谷君不忍虛來意，呵筆裁詩雪滿廬。

春望

黯淡春雲雨意微，小樓孤影立斜暉。書能引睡聊遮  
眼，酒可攻愁任典衣。桃蕾有情含笑發，鴈行無力拂  
雲歸。倚欄不盡登臨意，獨對東風詠采薇。

冬夜坐

虛堂人靜鼠窺燈，霜葉瀟瀟散雨聲。睡眼看書渾勉  
強，夜憲得月喜虛明。漫長夜何時且悄悄，孤懷百  
慮橫。到底麓官男子事，幾回投筆壯班生。

砧石

鵝溪蚕繭太豪華，新帟蒙茸隱細紗。不惜秋砧聲夜  
杵，要翻新法自吾家。搗勻楮敲先舒練，拂散龍煤字  
點鴉。我錄詩書何所事，擬尋源委泛靈楂。

夜歸

月波環暈晚風淒，宿館歸時獨杖藜。曲巷門深驚剝  
啄，小樓燈影自高低。歸心有限先回鴈，世事無心類  
木雞。淡蕩春風二十八，忍將書劍坐羈栖。

壽周都運

劍佩龍樓顧過頻，澗臺今復試經綸。平生許國丹心  
壯，此日承家玉樹新。德量潤涵淇水遠，壽杯光動紫  
川春。朝天好在明年日，金印重看拜伯仁。



秋雨有懷呂丈子謙時奔喪夏津

宿館光陰一歲中，飄蕭吟鬢感秋風。久諳世事無多味，靜覺書編有細功。四壁夜蟲秋思苦，一窗寒雨客牀空。對眠不見蘇州守，縱有新詩愧未工。

壽王參謀二首

郁、鄉雲霽士林不應止，作一方霖無媒致位寧。私已有子傳家足，慰心中卷在庭公事簡。壽毫浮彩蟻樽深，非詩英頌千春德。喜對梅花入細吟，典郡風流漢表儀。一方春物自熙熙，謝公雅量推平昔。楊震高風到四知，畫戟清香凝燕寢。東山春酒照芝眉，政成不獨褒金爵。賢守恩波在鳳池。

贈元仲一書記

名寓緇衣行，碩儒蒲輪却走事。巖居萬緣擺去，聊束化一念深來。為請書黃閣，經綸且自重。青山談咲未全疎，相望未入廬山社。日暮碧雲思有餘。

和仲一詩韵

世事紛拏八九違，未容丘壑淡忘機。須知霖雨思賢佐，終擬鄉雲挾日飛。麟閣勳名驚壯節，虎溪公案覺前非。會看杖策軍門去，滿眼行山空夕暉。娛志詩書不厭貧，螭龍冬卧不求伸。應憐擁篲侯門下，何似行歌澗水濱。沙鳥忘機運自樂，池蛙睜目欲誰嗔。悠、物理吾難料，會得樞衣問上人。

送百德正臣之汴梁

君璋序裏仰高懷，宿館相逢一笑開。過眼摠非如意



東著詩時遣不韜材人驚駿骨空燕市夢逐秋風上  
吹臺去、當塗足知己未應空使劍鋒推

贈王脩甫

樊川風調錦囊詩邂逅青樓豁所思得酒愛流吟舌  
健放談時露劍鋒羞香翻月戶情難極風入庭梧鬢  
已知過眼紛華終寂寞望君冠蓋鳳凰池

挽趙父師提舉

疋馬南來及撫棺磨礮空使憶當年師資有道無虛  
飾賦業推公得正傳黃鳥此時空止棘青藜何處伴  
談玄緬懷壽德宜無憾可忍韜魂似粵阡

送盧叔賢之鄧州

萬里風雲入壯懷斗南人已識奇材重看綠水開蓮

幕宛勝黃金築隗臺鈴閣風清談麈靜星屯煙暖漢  
旗開後期佇聽平安報定逐梅花驛騎來

壽王子初

彩鳳高翔欲覽輝十年書史董生帷持心不為紛華  
奪尚友常先遠大期內富經綸隆事業外涵風雅養  
詩脾赤霄玄圃春風細百歲相期拾紫芝

自遣

旋收栢實炷爐薰紙帳低垂自有春竹几隱眠無俗  
夢蒲團容膝勝華裯窓間白日驚濤迅門外黃塵萬  
事新幸與聖賢相晤語未辭藜藿此生貧

登熙春閣

封立門外故宮傍天閣空餘內苑荒瀛海夢空三島



漢帝城煙慘五雲蒼石鱣照水鱗猶動金鳳凌雲勢  
欲翔奇貨梁園當日盡為誰留在閱興亡

哀故宮

掖庭依約粉垣丹行入荒宮重黯然華表忽驚人世  
換昆明重見劫灰寒石龍委地理秋草湖玉臨池倚  
暮烟滿目悲風吹酒醒東華門外淚闌干

送趙相君北上

漢旆當年入汴州布衣曾此識君侯夏盟自列葵立  
會驥馬空騰瀚海秋萬里風雲橫寶珎九天名姓動  
金甌南遊正值朝天去望斷春風五鳳樓

登凌雲閣

布衣塵滿戴儒冠風袂來登上將壇棟藻雲飛朱拱  
濕簷牙霜重玉梯寒風煙遠勝籌邊迴氣勢雄吞汴  
水乾經略江淮有成策不須重展地圖看

送王子初之鄧州

東風霽雨泛晴光桃李爭妍出短牆春意似留行客  
住陌塵都釀燕泥香三盃別酒清明後滿眼春愁錦  
瑟傍一曲劔歌心事遠綠波南浦未應傷

送郝伯常歸堡塞

書劔南辭杞國天一歡傾倒酒爐邊鳳麟瑞質驚千  
古江海詞源浩百川吾道莫傷今日否斯文將付後  
來傳驍駒歇斷青山暮愧未長游從馬遷

贈李幹臣



少年心事便浮雲，不著清談解世紛。自得士元參別駕，僵摧伯比張吳軍。一江夜雨供吟筆，萬里征鞍逐鴈羣。早晚春風茄鼓地，更看詩壘策奇勳。

登資聖閣

傑閣當年瑞藹氣，亂餘金碧半塵昏。豈知象教移中土，猶揭雄名護國門。法界冷沉梁苑月，寶香難返汝陽魂。傷心五嶺騰煙語，舉世從風莫與論。

跋西蒲老人燕處圖

甫脫孤城百戰危，蒼茫何處跨鯨歸。百年有感悲風樹，一旦無依足孝思。遺像儼然留故事，寸心聊擬荅春輝。遠游刺袖如瓜棗，海岳相逢會有期。

上史相君壽

麟閣勳高誓不磨，戟門春靜在堪羅。盟高踐土尊王切，恩入河南受賜多。好學世推同杜預，薦賢人道過常何。稱觴何限輿人頌，細逐春風入凱歌。時自鄧

過楚師子冠軍宋義墓

并序

郝回

乙卯春三月，余東如大名，道出內黃鎮，有廟在民居之南，曰項王廟，之址即師子冠軍宋義墓也。且以往昔墟墓間，恍惚事來告予甚，鄙焉獨於義之死有所感焉者，噫，義奇士也。初武君舉兵渡淮而西，攻城野戰，勢若破竹，義之力居多，及師攻定陶，再戰而再勝也。見梁志，滿氣驕，識其奪魄，後值崩潰，果不踰素義，可謂深知兵矣。至用請師，揀趙執以不可



觀其籌畫，號令攻取先後之方，誠上將之略。惜不使差肩三傑北面，以事高祖，反區委質。天久厭之，楚與羽並驅爭先，西向以舉虎狼之秦，何其不幸者哉！雖然，方秦之失鹿也，辟雄蝟起，以蛇為龍者，不可勝計。布衣皇之士，能明目識帝王之真而歸之者，蓋有之矣。誠未易一二數也。至若淮陰、韓信、陽武、陳平，一旦起而盡為楚用，初且不知天命集漢，而後卒歸于漢，功業如此，幸也。嗚呼！俾天假義年，脫身項氏，策杖以歸真主，其功名當代，縱不能廁三傑之列，未至與噲等伍耳。嗚呼！義何不幸也哉！義何不遇也哉！因作詩以吊。

并著予之感云

老項捐軍勢，已孤擣秦遺。趙見雄圖，奇才惜不遭。龍準赤手爭教，將虎鬚日月，不為荆楚計，干戈空為漢家毆。因君重起，無依嘆羨，殺中林得止鳥。

元齋為仲希賦

生平襟度，主無瑕。天馬精神，出渥洼。北海樽壘，無暇日。德公賓主，到通家。山高仰止，人皆慕齊用。元名意匪誇，教子以經。平日事不應遺，實取其華。

過朝歌

山勢西來擁廢宮，荒煙回首接南廓。緬懷藝祖初經野，忍見狂童到覆宗。野水作聲知客恨，幽花含露為誰容。千年快意高郊戰，流謗爭教有二兇。



銅臺懷古

都邑盤：據四衝登臨形勢覺天雄歌樓暖響春風  
細綺陌香銷寶氣空笑着虜王承宋弊至今姦孽擅  
唐終憑高誰識神州恨付與衡漳日夜東

佑德觀早起留別道人陳彥達

碧桃花露濕衣涼宿酒醒時夜未央浩：市聲喧曉  
枕推：星影入虛堂春風醉袖愁分手秋雨吟燈約  
對床後夜月明東北路呂安歸夢半嵇康望東北方  
半空書嵇

康字  
兩行

寄蕭茂先

飄瀟襟韻耻咿嘍醉裏青衫兩鬢秋通介不隨衰俗  
變清貧當向古人求城居真似玉川子鄉思空懷馬

少遊蚤晚臨漪亭畔月一樽重為紫髯留

晚菊

竹瘦松枯怨歲寒為誰含露發幽妍疎花儘秀開何  
益晚節能昌固自賢採擷落英悲楚客破除秋色靜  
斜川不辭潦倒東籬下桃李成蹊世舉然

聞詔

灤水嵩呼萬歲觴綸章飛下紫泥香九天空有風雲  
夢萬國爭依日月光草木變衰元氣活乾坤開霽老  
陰藏兩都耆舊欣相告四十年來未省嘗

陽穀道中有懷黃石公事寄呈敬齋姚公

雪齋請益初心在東郡趨庭宿願償黃石有書開帝  
業布衣無地著恩光自慚國士思圖報敢暴孤懷不



自強巾卷在庭循誘際佩懷言行愈難忘

趙御史挽章

振藻儒林起趙宗殿前一賦已摩空筆參造化陽水  
篆氣屏權豪御史駢養老正期來祝哽招魂何意入  
新宮影堂一拜情蕭慘瑞露香殘翠竹風先生比化廿  
露降庭竹上

上王翰林

白衣如鵠禁闈春九萬曾搏北海鷗獨翼龍顏潛代  
邸親承雲錦織天孫兩朝耆德尊元老千古雄文說  
赦恩寂寞黃金臺下客詠歸心久在龍門

夢受庭訓其中領景二聯蓋

先君之意云

老月驚風夜色蒼羈魂明墮几筵傍音容恍對如生

在教戒無多止義方笑歎似傷時祭闕松楸應念墓  
田荒牽衣未畢城烏起曉枕縱橫泪幾行

贈孟文伯

秋月堂深劍履寒相逢一話破春顏心君意豁驚囊  
穎豹體文奇見霧縠孤節共高殷備北片言誰拔子  
卿還笑拋燭影金釵夢長繞天墀十二間

壽姚宣撫

咸池朝日觀離關羽翼功高見老成相體共推安石  
雅襟期全得伯夷清黃金眼冷燕臺望赤羽心馳魏  
闕情鄭重一杯千歲酒調元消息在新正

周仲寅處覓貂帽

炙手權門已強顏蒯緱未免向人彈晨鐘聲裏霜侵



鬢蘭省臺邊雪滿鞍韶恰擬從公子覓客床應念廣  
文寒何當花影烏衫側一笑春風拍画欄

邢夫子拜慶詩軸

對君如讀開元報歷々聲明見典刑款曲每憐名父  
子顧瞻疑是老人星一言楚獄陰功厚百世名談汗  
簡青濱海歸來非我志春江乘興看浮萍

鎮州懷古

趙武雄圖不可尋風烟東接九門深炎涼到此分南  
北戰伐無情自古今彈躡流風猶戰國椎埋遺俗帶  
燕音劔歌不過平原客落日滹沱動旅吟

祇謁昭烈皇帝廟

一劔功成百戰場三年章武事堪傷力扶漢祚圖燃

燼規取劉璋出侮亡若論託孤徒啟墓試評含泣到  
分香秋風一掬宗臣血五丈原頭落日蒼

燕城書事二首

都會盤控北岳當年宮闕五雲飛崢嶸寶氣沉箕  
尾慘淡陰風貯朔威審勢有人觀督亢封章無地論  
王畿荒寒照破龍山月依舊中原半落暉  
朔風千里捲孤蓬斗酒難澆魂磊砢泉清濁滄浪知自  
取蒙茸狐服竟誰從燕臺坐老黃金客甲第爭高白  
玉鐘撥土便成千尺榦露恩初不負崑松

望西陵

漳川北岸望西陵馳道東連講武城將略有餘開戰  
伐墓碑無謂自題評一棺何在彌天力九錫徒誇盜



漢名千古遺墟冷煙底定軍山樹拂雲平

牧野道中

野人川浴振裳衣况接恩波沐鳳池莫訝出門何刺  
刺須知去國自遲、河橋飲餞無干騎文物聲明又  
一時有淚不揮離別際西風空送鴈行悲

奉送平章趙公赴

闕庭之召少荅省檄見招之意云

龍旆南還沸捷音漢臺凝望幾登臨洗兵未用挽天  
漢入夢應知有傳霖暖日晴消青海雪春風重掃黑  
山陰

君王若問來歸策為說 虞皇待象心

贈鄉先生韓義和

草服黃冠玉練顏一壺天地市朝間飄、野鶴雖無  
繫戀、鄉情尚未慳幽睡不妨紅日晚青山誰似白  
雲閒何當一斂飛空去好為留題過故關

送常道人子明

道士何心作羽流擇音應避物為仇冷風身世三千  
界碧落仙居十二樓無地可留雲表鳥有懷終結竹  
林遊因君喚起西遊興滿眼太行黃落秋

送劉同知還鎮陽 繼士觀韻

幾人襟韻似君侯潘岳開居賦遠遊白雪高歌南郢  
重壽山長路太行秋隱居正有千林玉濯足何須萬  
里流一曲驪駒頓丘北碧雲零落使人愁

為王朝顯贈梁邦傑兼簡郝勸農



漳南客子王朝顯日暮途窮伏友生今夏遠投回沁  
水傍冬索米入共城千金諾重河東守一府蓮香白  
壁卿詩藁不須詢幾束溪聲山色捲閑情

和幹臣今晨所見

唐金乘火勢相高午夜秋風散鬱陶氣錯不調伊摯  
鼎雨淫空續楚臣騷人占樂歲無遺慮我覺天刑未  
可逃除治菊荒還寓目青山城鄙幾週遘

大風

六合塵沙一混同群龍無力郭驚風旱乾到此誰歸  
咎天道從中見蔽蒙詩枕夢驚茅屋破山林春老綠  
陰空雄文便擬昌黎訟九虎當關未易通

雨後草堂即事

駭浪崩騰點額餘歸來縮首伴凡魚門從席後軒車  
少髮自蒼來酒殘疎坐掩殘書懷苦節自鋤明月種  
秋蔬隣人共指楊雄宅只有兒童未喚烏

挽李予文

一丘宿草縣城東前日花時杖屨同白壁不埋連邑  
價青燈空負十年功鷓鴣來近舍傷君去麟出非時見  
道窮脩短偶然吾遠值不洎作賦問天公  
初從拱把見凌雲天意栽培似厚君大厦如傾樑棟  
在神交遽尔死生分白駒空谷歸何處夜雨亡年不  
忍聞吾道已窮來者替兩行清淚為斯文  
絳帳絃歌日沸闌去煩從簡屢為言自春卧無病三  
月一死埋魂入九原桂實未霜驚早落烏聲解語惜



空喧東門最是傷心地老父哀號血洒轅

五年六月初八日夜夢

遺山先生指授文格覺而賦之以紀其異  
分明昨夜夢遺山指授文衡履約間道必細論能出  
理文徒相剽亦何顏江流不廢驚千古霧管時窺得  
一班落月滿梁清境覺紫桐花露濕吟冠

夏日南堂即事

一雨清涼恰四朝霧絲縈戶見蟪蛄病因戒酒成真  
止辭免書門絕妄交道拙尚憂見陸簡家貧且喜稼  
盈郊閒庭綠蘚泥融遍燕子飛來補舊巢

同翰臣請漳濱唱和詩軸

草堂舊雨記相尋細嚼漳濱唱和吟白雪調高雖寡

和朱弦聲眇有遺音犀寒蒼渚奇逾出氣奪元胎理  
更深一洗向來箏笛耳坐聽三峽瀉瑤琴

高山仰止為千尋更對佳人與細吟藝絕六鈞俱破  
的調高千古得知音靜藏脫鬼無窮變法比滄溟不  
自深客去洒然心境寂滿軒秋氣入絲琴

謝人惠瓦甌

老雨崩崖為爾開野人携贈入芸齋埏陶有意存三  
代奠獻曾經脩兩堦上擁圓吭躡野鶴中橫皤腹怒  
池蛙鈞深免汝居危地時挿秋香慰老懷

六月初七日夜二更雷雨大作

落日山雲擁蓋幢二更雷起雨翻江六丁怒瀉銀河  
水千杖齊敲羯鼓腔耕壠樞苗秋有望炎官收傘夜



深降一犁聞說西江上早晚龍移似老龐

和韓臣韻

雲漏疎星不滿天坐來風雨暗西山不憂鯨鬣翻滄海喜送涼颺入白間蜚不成災休紀異暑雖才伏暫知還兩傷早損俱咨怨請罷君詩一破顏

雨後出門言懷

壯年抵死別猶薰老去收藏有一身祿不妄干時有待道從深探理彌真充腸有齋固云苦舉扇無塵可汚人洗我胸襟間硯器門前秋水碧粼粼萬書叢裏自陶薰浩：堪與寄一身木靜蟄坏存夜氣烏飛魚泳見天真學從踐履安天命世要經綸有若人林下幼安應未老且教雙足濯熱

和韓臣雨晴出郭之什

飲散公庭樂亦陶西湖乘興喜同遨河神偃蹇誇秋水山翠空濛上鬢毛乍晚城居驚眼放縱教詩思與秋高鴻飛燕集隨時處誰羨傭耕壠上豪



秋澗先生大全文集卷第十四

秋澗先生大全文集卷第十五

七言律詩

蘧大夫廟

芒鞋兩自近，閑行頗訝先生出。  
處輕道亟卷，懷傷喪亂仕。因公養辟尊榮輟，車彷彿公門。  
敬寡過依稀，聖者清。故國今煙喬木老，至今君子號鄉名。

苦雨吟

禾頭生耳駭輪困，一雨霖霖近兩旬。  
蛙出坎居喧鼓吹，蟻連封埵失君臣。  
陰沉便恐陽烏慘，飛舞爭看石燕神。  
寄謝碧雞坊裏客，不煩奚釜怨生塵。

迎秋

大暑推回酷吏輶，先聲傳喜到梧楸。  
清商載路歌夷



剛白駱前驅候辱收氣肅袞裳初復辟露清行殿拜  
凝旒若論成結功尤著不解詞臣九辨愁

明霽

雷霆威霽雨初迴戰罷昆陽萬馬摧成結歲功真有  
望洗清天宇覺重開秋菌出木驚朝暮野水增波阻  
往來腰足痺頑欣一散約携藜杖晚登臺

箕子廟

廟在汲郡

剗剔忠良訖肉林當年愁絕父師心道傳未害故為  
辱俗古方知化獨深上念聖湯思自獻下逢周武是  
知音野烟無地尋遺廟空詠凡、麥秀吟

挽梁防禦邦傑二首

酒船茶竈柳溪煙把臂論文記昔年列郡剖符方再

考銘旌埋恨便終天風纏大樹摧蘇嶺雲黯歸魂迎  
赫連四十二年成底事一坏慟絕九山前  
梁侯躍馬英妙年大冠脩劍身頽然開車過市殊不  
樂快意耳後揮驚絃朝吟醉卧石樓上暮歸射虎南  
山前聞說三城足遺愛令人空憶使君賢

奉荅彥正參議書問

清晨庭鵲喜相呼薄暮敲門得素書地重每愁屯胸  
臆人來還喜駐青居烟開瘴嶺三軍壯氣壓巴江百  
戰餘一檄我知邊報靜西南爭識漢相如

酒醒聞雪作呈陳侯

陰雲低壓濕衡茅暖透衾裯地氣交縞色漸生明月  
幌風聲先到碧筠梢誰家獵騎長圍去何處柴門向



曉敲開歲春風兩岐秀好看晴浪際農郊

至元四年歲在丁卯暮春之初陪陳王二郡侯泛舟清水魚携妓樂

山園收野青未了河抱廊城勢轉雄高會遠為開府  
設仙舟還許李膺同春先淡沲明歌扇吹管飄蕭颺  
遠風鄭重使君雙皂蓋月難留醉恨匆  
風暖溪深夾岸花緩移蘭棹轉灘沙醉停杯酒清歌  
細看弄漁舟白日斜誰與沆花徵故事行觀春物到  
山家沙堤不用雙紅燭馬首歸時月有牙

西川故事太守自正月  
出遊三月及沆花止

溪回路轉無多曲風軟舟輕恰教人汀樹弄情供望  
眼岸花迎笑喜行春千年勝賞蘭華在五郡謳吟使

節新多謝晚風吹醉帽惺惺恰及到城闌

寄王總管子初

新築茅堂並水涯柳陰連接到漁磯平疇綠滿禾方  
秀高樹涼多露未晞扶策不干丞相府入山終製芟  
荷衣故人好在龍津府書葉翻香吏事稀

和節齋言懷詩韻

元龍湖海見平生老我韜鈴未易兵格物志精先實  
學掾時心切恥虛名風雲自是龍頭客吟笑空懷壠  
上耕袖裡驪珠三百顆每從開譙得晶明

林塘秋曉

躡足煙霄謝俊游野人高興在林丘近山欲雨先衣  
潤秋水增波拍岸流水葉靜時存復理人心安處即



天遊隔溪田父治荒穢斜日疎烟滿樹頭

卜築

塢溪流水挹村斜林杪青山隔岸賒平日買田惟築  
此他時成趣要移家溪邊種柳眠黃犢竹底開門繞  
白沙任使傍人呼漫浪雨蓑無負釣魚槎

送王子初提管奉

詔北上

聖代崇儒意匪輕微車相望半諸生九天雨露思賢  
相十載經綸見老成更化有方先定制林時無驗是  
虛名煙霄未遂攀鱗志葵藿空懷向日誠

簡寄楊治中文卿

貳車沁水瞻高駕簿領西臺有舊遊邂逅一樽淇上

酒笑談千古庾公樓豐狐闔首藏三穴一鶚盤空健  
九秋聞道清源足佳景竹林煙雨夢西州

上史丞相

百揆端歸一相尊中臺潛隱北溟鯤人間桃李爭晴  
晝天上風雲擁戟門駕蹇遇知思一顧家山回首惜  
空奔幸蒙翦拂長鳴去會有文章報至恩

題相者此言洞春

野隱東過滄海蒜醉吞秋月入心骨神機深探乾坤  
秘真氣曾驚戶牖龍驢背老髯掀一笑春風歸路指  
三峰昂藏我似宿天鶴夢遠仙盤露影濃

和高麗參政李顯甫

恩波如海際天隅一日京師識老蘇喜向崑廊瞻漢



相款隨仙仗聽高呼衣冠自是乘槎客  
文彩還驚照乘珠共羨朝天蒙寵渥  
三韓秋色滿歸塗

開平夏日言懷

土屋翬燈板榻虛一餅一鉢似僧居  
半編翰草從人請兩鬢霜華向曉梳  
客子衾裯殘夢短暑天風物暮秋初  
故園松菊荒多少豈不懷歸畏簡書

郊送雲叟公

寶鞍塵土滿香羅因送行臺振玉珂  
出郭怯於鷹脫帽歸懷爭奈轂遺窠  
夕陽明處亂山淺碧艸深時  
帳多自愧囊錐無利穎青雲臺闕半常何

直中書省

紫禁彤庭尺五天沉沉碧綺鎖秋煙  
鳳池波暖鴈鳴

佩翰苑才疎愧昔賢人世好懷能幾度  
風埃長路已三年綠陰好在西園樹  
辜負移床聽晚蟬

開平晚歸

七月一日授翰職

龍首桐邊野草深秋風灤水動歸心  
百年蓬巷開圭甯一日恩光照士林  
吟髯有光浮鏡玉家書封喜認泥金  
料應曉月簾櫳底乾鵲飛來報好音

吊竹

三徑歸來已就荒更堪庭甯嘆云亡  
牕開月出思清影簾底風來憶細香  
便擬碧鮮留賦詠恐應塵俗到膏肓  
未容分廝蒼苔破拄杖敲門有底忙

和龐參軍雲卿詩韻

萬事雲翻摠釋然不禁哀樂近中年  
此生得處便為



樂自斷從今不問天最喜遇知傾底裏譬如食蜜味  
中邊吾鄉賴有諸卿在歸隱終期覓魯連

送陳尚書經略成都

暫辭喉舌去籌邊調餉中間別有權托境要當成算  
後務農思在訓兵先雪山已覺公來重玉壘休矜蜀  
險偏東北更看諸葛表春風晴霽錦江烟

太原筆工李子昭許贈子雙筆久不見付  
作詩以問之

子昭過晉喜新知雙筆親承遠見遺脫帽一從休老  
穎臨池幾自躍蟠螭正煩筠管麓於臂細理毫髮健  
作錐久向夢堂驚五彩貯雲含霧莫來遲  
聞諸軍飛渡鄂渚前次建康

節駐長洲已浪然鐵鉅鎔冷瘴江煙膠船浮海從南  
適漢日行天摠北旋牛後舉知非晉祚曆期應計過  
唐年至元  
天子如天覆莫遣虛陳坐榻擅

秋日會牙城白雲樓譙行院使者及嘉定  
府新附諸校坐中觀西山風雨

望際煙霏濕翠屏雄風先作雨前聲鴻濛氣合先天  
境慘淡川迴得意兵涼吹遠隨悲管發壯懷還傍醉  
吟生三年畫戟清香地慚愧終童係越纓

賦西城鸚鵡螺杯

老月淪精射海波珠繩分秀貫神螺鷓班清粉垂金  
薤鸚喙嫌寒縮翠窠樽出瘦藤紋浪異瓢成椰子腹



空罇飲餘疑與溪娘過一笑相看發浩歌

乙亥夏六月廿四日西城即事馬上望姑山煙雨濃淡開闔有不可端倪者偶賦是詩以紀其奇觀云

連山中漸鬱蒼陞全晉蟠紆未了青方訝野煙沉澗壑忽驅涼吹滿林洞天邊兩脚排銀竹物外仙家到畫屏擬是姑仙遊八表笑迴龍馭下滄溟

挽翟器之八月十七日清晨夢翟君器之晤言者良久覺而賦此以悼魂而有靈恐當擊節也

淡癖相看忽四年襟期標散鄭家虔隸書思入銀刀法畫品人推具眼禪滿壁滄洲驚絕筆一樽別酒是

終天不酒只聽山陽遂日暮懷人已慨然

哭郝內翰奉使

大河東匯杞連城之子南來氣宇盈義契重於平昔友斯文公與後來盟苦心問學唐韓愈全節歸來漢子卿十六年間成底事長編惟見使華名

次楊子英詩韻

十年芸閣想差肩曾侍紅雲尺五天幕府連波知暫泛麟臺勳業浩無邊劔埋古嶽終衝未玉蘊藍田暖自煙留取胃中疎俊氣它年揮手障汾川

題開封府後堂壁至元十三年被

省院檄同開封尹陳侯試河南儒士四月十九日抵京授館開封後署相與握手話



舊且及包范二公事業時予耳疾止酒談  
噓間暮雨大作連明因述鄙語奉一笑云  
使輅南下入京華滿眼交親笑語譁共訝老蟠螭北  
海自憐賤子宿南衙閨河痛別襟期豁風雨翻空夜  
氣嘉自殺清尊三百爵胡床相對看簷花

投宿汴川驛時病耳

話長不覺道途脩馬轉河堤入宋樓時事未容談笑  
了故園難遂去來休一天梅雨方初夏兩耳蟬聲預  
借秋最喜此行陪逸駕未妨吾道村滄洲

許昌道中

一雨長途送曉涼陌塵壓盡燕泥香醉歌金縷辭梁  
苑笑拍吟肩入穎昌人物消沉清議在風雲開闔闔

圖蒼應憐一片西湖水空照行人兩鬢兵霜

穎封人廟

在宋棣鎮西三里古堤上至元十三年  
夏四月考試河南同陳節齋過其廟陳  
為索賦故有是作

穎封遺廟枕高墉窈窕丹青戶牖空治道得人無國  
小孝心錫類與天通當年大隧融樂此日喬林凜  
凜風搖道茅焦骨餘勇從容難似片言功

友人喪馬

老驥兀然燕色蒼今春長記遠乘將翻江風雨曾何  
夢伏櫪飢寒想倍嘗既之敵惟酬逸德忍令銅馬葬  
人腸玉鞭剪斷春遊興驢背清吟要細償



南陽府試院中作

牙堂瀟洒敞晴疏，薜荔牆深五畝居。起敬對瞻元凱廟，訂頑欣得鶴山書。心非道義為充實，身與乾坤恐自疎。暮倚城闈還一笑，竿頭蚯蚓引鰲魚。

寄李士觀時在襄陽兼簡好古郎中

拚醉清樽洗別顏，我來君往轉淒然。遙看漢水無三百，不覩清楊已五年。甕舞未收輸鬼笑，候蟲多足逐殘憐。義襟誰似張京兆，早為吹噓使北旋。  
張京兆謂張好古也

南陽北城同陳節齋晚眺

大野東瀕楚塞遠，清川西鶩抱城斜。瓜分鼎峙連三國，地廓天開到一家。丞相大名垂宇宙，龐公高節動

雲霞。千年事往空遺跡，立遍殘陽數去鴉。

宛葉道中

六合雲蒸一氣羅，漫長路渴生埃。詩從白雨明邊得，人自青山畫處來。世路有機難預料，劇談供笑不時開。濟時賴有諸君在，漢苑秋風愧不才。

次宿汝樓韻二首

解却征鞍細履園，月明深夜倚危欄。會慳共惜飄零久，心遠應憐語話殘。尚友共尋佳樹傳，連辰不戴鷓鴣冠。傾囊擲下驪珠顆，依舊晶熒照乘寒。微雲河漢半晴陰，夜景蕭森夢化城。山色不隨喬木老，月華偏對故人明。鶴緣露警清無寐，蛙屬官居重有聲。廊廟只今紛治具，正容堅坐看昇平。



贈別按察王立夫二首

時在洛陽試院中作

當年畫省憶同襟  
此日南來又盍簪  
夜雨喜成連榻榻  
夢秋霜尤見故人心  
義方外覺紛華遠  
語久中傾底裏深  
他日買田相約老  
兩椽茅屋共雲林  
眼中機括審時張  
事外論量見直方  
白璧不酬金屑契  
烏紗能護芴冠霜  
煙花紫禁期推轂  
風雨南州夢對床  
更就信陵、上月一尊  
分手上河梁

留別節齋公因次嚴韻

雨露乾坤不少私  
至人出處與同期  
松筠冰雪有定操  
人物江山見一時  
看手正便捫蝨語  
看雲難受絡頭絲  
平生慕蘭公應識  
秋木長河有令姿  
夜宿朝元閣下

紫垣樓觀天中央  
星斗拱列靈壇蒼  
月中清露翻碧瓦  
殿簷風信搖金鐘  
炎歊似殺赤燄怒  
霧雨謾成玄豹章  
時考此故云長纓土滿未容濯  
金溝泛曉空蒼涼

挽呂權漕子謙

維至元十年歲癸酉  
夏六月 日江淮都  
轉運司幕官呂公終於私第之正寢  
饗年六十五  
越明年春三月東平尹信弘毅自衛  
過晉始知公墓草已宿  
嗚呼哀哉公諱進字子謙  
系出東平望族父松金詞賦進士第官至隰州刺史  
興定間城陷死節公其次子也  
為人疏直愷悌樂道人善早歲有



賦聲生平喜作詩格律精嚴長於七言近  
體或有問酒盡吐乃已然如法家斷按不  
絲髮貸問者知所趣居漕府幾十年良謀  
默計便公私為多某辱知最厚悼斯文之  
不幸痛知己之難遇非歌詩無以攄予衷  
也乃作是詩躬告墓左魂而有靈鑒茲誠  
悃其辭曰

凌煙詞氣呂衡州一語神交二十秋  
漕府議高推獨步詩壇吟苦入冥搜  
眼中耆宿有今日地下周馥是  
舊遊秋州滿丘新呂道未容車過淚先流

臨武堂讌醉後有懷省臺諸公

桂月流先雪滿臺月明人影兩徘徊  
行雲不逐歌聲

散往事還隨去鴈哀雙鬢入秋無可白  
寸心於世未全灰  
遙憐紅葉塔前客玉樹相依一笑開

簡寄陳節齋

別來碧海三山客偶得新詩慰遠情  
晝接夜談懷鄧邨風荷煙柳夢都城  
好翻故里三千牘且按秋風九  
萬程最喜新涼換炎暑梁王臺上月孤明

鞠餘望月東臺即事

崖碑詰屈張頰痂老樹遺臺悵獨過  
山色滿樓簾影薄柳陰橫沼鳥聲多  
西河蓄潤開東雍千古秋風動  
漢歌誰着梗陽人有獄髮華尤比向來皤

日用

萬彙何能臭味同洪纖強梗貴冲融  
屹於砥柱標天



險淡似浮雲度太空意或近私隨有礙事因無已即  
成功莫將此理求諸遠摠在平時日用中

送王丈子壽南下河中

白髮今年八十過故園歸興足蹉跎啟期三樂人爭  
仰汲直高風古所多照眼關河增喜色過門香火盡  
行窩後期望嶽栖巖上一笑雲煙八浩歌

郝提舉子某至元八年冬見於京師楊氏  
書院與之語溫醇有禮愉色睟然意謂奉  
身周謹篤於其親者也今年春予官平陽  
一日介吳君子明來謁具道郝南還之事  
相與擊節嘉嘆久之噫方衰俗賴波中其  
孝養有如此者孰謂曾閔之門和樂之氣

有時而息耶此心不墮豈特錫類而已哉  
故傳曰惟孝友于兄弟施于有政其是之  
謂歟喜為賦詩以贈且廣其敬養致樂之  
心色難無違之旨云

古稱百行孝為先就養辭榮事更賢戀庭闈心向  
切依親眼望來穿蓼莪報德歌周雅令伯陳情感  
母年哀俗陵遲有如此見渠福祿日增川

白樓晚眺

條山東峙畫屏開樓外長河一線來簷瓦蘸波鴛鴦夢  
渚鏡鸞空影月臨臺千年事往情如昨滿目春傷恨  
未教更看野花留寶靨女牆隨意照情苔  
洪洞道中送客回有懷子初舍人



親朋零落故人稀，白首相望更一涯。  
花底夢歸連夜酒，柳邊情在送行詩。  
賞心歲月能多日，人物江山又一時。  
許國壯心雖未老，向人孤抱欲誰知。

公堂即事

鴈鷺行趨日出前，潭槐府靜秋烟。  
漁陽慘急三櫓後，簿領如山如萬慮。  
旋圖報每虞遺少，愧焦勞何敢獨。  
稱賢更堪清畏堂中夢，夜歸心到日邊。  
清畏自榜寓居堂名

和周錄事感春詩韵

微官休苦日奔忙，須信行藏在彼蒼。  
心計自憐嘗越膽，髻華何計避吳霜。  
暫容巾鞋三花樹，任使聲喧百鳥場。  
昨日平湖上過，綠波如靛要浮觴。

夏縣道中

濕雲壓樹際，崗平溽暑還。  
因小雨增官事，困人如縛虎。  
秋風吹野夢，翻鷹趨時未必儒。  
冠誤至，隱端為野鶴。  
憎這憶，筠溪亭下水萬竿。  
蒼雪照吟燈。

題聞喜廟學古柏

世傳清廟聖湯墟，老柏環除十六株。  
黛色秋煙千古上，石根銅幹百城無。  
虬龍閱世蒼髯磔，珠影凌歎冷翠鋪。  
躬汝自慚詩禮客，摩挲三向孔庭趨。

錢張子文驛送戈甲前，赴成都于文雲中。  
人至元八年冬相識於大都，李玄暉南庵。

吟君一軸餞行詩，西望峨眉有所思。  
山險不憂邑道路，雨多防濕漢旌旗。  
雄遠有策看回奏，諭蜀能文正及時。  
儻見摠戎煩告語，雲山輕重在謀為。  
清譚帥



寄送朱信知還吏部  
故都喬木已蒼煙朱翼唐故人也謂玉樹臨風照眼  
鮮暫著印窠封瑞錦要從鞭笞看流錢燕山夜月紫  
歸思平水春風夢別筵不得一杯先祖道汾崗回首  
轉淒然

霍岳道中

郡寮招致遠相過冒雨東登荷笠菴比入廟官三渡  
水再尋蘭若重攀蘿傍山涼早疑秋近研澗溪喧覺  
雨多庭下古碑堪昭語倚餘節杖更摩挲  
謂劉神川修岳祠碑

霍邑懷古

堂：義熾下并門六合風雲已併吞教甲不憂三日  
雨妖氛天厭兩都昏緬懷戎火城頭語死愧忠精地

下魂謂宋老生也慘淡鑿鈴原上月至今英氣凜生存

送周錄事幹臣任滿赴都

青衫白髮老參軍銀管聊鋪兩考勳公吏檢身知禮  
度兇童爭語說清動春官吏選多書最祖帳東門惜  
重分匣劔莫將塵自翳諫章論草要新文

送漢臣張弟

青：衿珮讀書郎邂逅姑汾意巨量老大正深鄉國  
念飛翔不負少年場行沾紅藥塔前露夢到秋風勇  
角霜此去固當強不息更須人事卜行藏

壽趙秘監輔之時奉使日本迴西歸京兆

報國心丹氣益振一帆直徹海東垠三年契闊中朝  
容百險歸來萬里身曠古使華清議在照人精彩壽



毫新終當清淺蓬萊水經制金華要老臣

陳季淵輓章三首

至元十年十二月望陳季淵子次翁道出  
平陽以其父季淵喪來告且請詩哀挽故  
勉為賦此

筆頭詩話硬盤空詩自工來老更窮玉斧驚傳脩月  
手且評推絕斫雲翁幽穿洞穴愁山鬼壯極秋濤駕  
颶風千古杜陵原上月一丘分照涓城東  
大駕西巡始拜公從容樽酒兩都同杖歸河朔忠尤  
壯詩到秦州氣更雄蓮府晴波奇策在杜陵殘月草  
堂空傳家儘慰元龍望湖海諸郎有父風  
憶扈

龍旂狩蜀年渡江詩並選鋒先江花冷墮波神泣醉  
袖來披玉井蓮已訝羽淵淪老月遽教風骨閱重泉  
緬懷春草池塘興兩夜分明夢惠連

挽啟發事獻臣

扶病南來喜盡簪激揚似為失前禽氣衝旁角空餘  
烈響絕未絃得好音一節儘高完璧雪百年誰了蓋  
棺心醉魂不到黃壚夜夢繞三山碧海深

微恙

團蒲倚暖病維摩春滿晴窓氣未和兀坐暫容心境  
靜好懷安得故人過鐵花繡澁青萍暗世事栽培白  
髮多却喜郡人相說似春風門巷雀堪羅  
至元十一年歲在甲戌上巳日會府倅張



侯明卿治中忽英甫前摠判張行甫禊飲  
于晉源鄉蘭莊刁氏之醒心亭張戾行甫  
之子思誠息翁孺侍燕

禊飲蘭亭不可尋蘭莊山水儘清音楊花糝雪溪流  
碧野亦留香竹樹深暫脫怕車三日婦却憐時事百  
年心一樽快趁芳時醉明日池塘是綠陰

次日奉命簽南征新軍  
中外騷然者數月

送郭按牘彥實

東西南北送行頻長路青山輒欲塵蓮府有聲推雅  
量柳條無計絆行人綠波未要傷春浦白璧難酬入  
幕賓後夜月明川口道夢歸先到晉溪春

洛陽懷古

重城繚繞枕邛腰二水交纏會洛橋勢即土中多漢  
制錦園林苑訝隋妖山川開闔悲今昔陵谷更遷失  
市朝萬古消沉竟何有摠成閒話付漁樵

遊澤州青蓮寺

知州皇甫瑛

名山名利不無神掣電轟雷一雨新洗出好山真面  
目擊嵐擘翠待詩人

薰風吹雨不沾衣馬趁清涼入翠微硤石兩楹天斧  
斬好山四面畫屏圍我來勝地清心地僧說禪機與  
教機賴有文章賢判府徘徊登眺久忘歸  
斜分一徑下林巒金碧觚稜紫翠間羣嶺秀攢青  
菴孤峰突出玉湖山鑿開一握乾坤小占斷千年日  
月閒浩、兵塵滿河朔天風吹不到禪關



和前韻

盤石磴轉層巒寺隱青蓮六葉間天削斷崖開老  
硤雨將空翠繪蒼山偶因戎治終朝畢暫得僧窓半  
日間清曉出山還一笑幾時塵事不相關  
覽勝都忘冒葛衣豁風吹雨散霏微霞明殿脚金千  
界雲抱山腰玉一團林壑有靈憐俗駕人心無路息  
危機風流幸對文章守安得巖栖不更歸  
太守清吟句有神興隨山雨一時新身修自是吾儒  
事笑殺殘僧說似人

夜過關嶺山

山行四月似涼秋夜半搖鞭下嶺頭心苦自憐嘗越  
膽歌長不用撫吳鉤風煙動色關中鎮禾稼連雲際

四州碌：一官成底事春風歸夢仲宣樓

虞鄉道中

中條如畫色蒼蒼過雨晴嵐帶夕光望入王官饒水  
竹路經虞坂足耕桑朱容巖桂相招隱白笑微官有  
底忙多謝晚風驅暑退笠簷吹作馬頭涼

謁玉官谷唐司空表聖祠堂

人去空山草木香樟霆非為漢文章三休方擬遺身  
累一情應憐為國亡明月不污黃浪濁清風高並首  
陽芳滿斟三詔亭前水拜乞襟靈滌肺腸

慶路伯達八秩之壽

素髮醜顏八十春昇平人物典刑存西都喬木秋光  
老四座春風笑語溫膝下盡歡衣有彩人間無似壽



為尊試從九老圖中看獨覺光榮萃路門

為鄉人壽

壯年虎穴喜奇探老去幽潛一道龕倚杖看雲追往事閉門留客了玄談閨元氣鬱丹浮頰白髮雲如綠滿簪今歲壽堂春色好一簾空翠撲晴嵐

秋澗先生大全文集卷第十五

三月十九日下午板雷微雨

秋澗先生大全文集卷第十六

七言律詩

壽總管陳公

當年劔履上星辰諫草曾蒙

帝子恩天上聲華瞻北斗人間詩價逼西崑儘培桃

李開春苑暫遺風雲擁戟門誰識節齋清白節西山

晴雪照吟樽一作洛下梅花淇上竹兩都無地看春温

斗間占氣識龍泉兩歲公堂拜壽筵河潤已歌千里

遠化行皆自一身先鈴齋畫掩無私謁坐榻朝懸有

取擅愷悌我知神所相墜山喬歲未為堅

黃陂曠度春秋壑卿月光輝烟士林萬目剗裁無錯

節一生匡弼有丹心行春不識甘棠訟濟早終為傳



說霖萬斛明珠百泉水先風都付壽杯深

清明日拉友生李士觀遊長春宮因謁純

真王練師且陪姚左轄高簽院二公高論

時至元八年二月十九日也

鳴珂振轂滿重城花底春光沸玉笙放眼壺天如隔

世侍談仙馭勝登瀛松風韻瑟金鐺靜竹露先寒雀

夢清且莫臨瀛門外去夕陽正在搃真明

闕名

送陳按察東還

把臂論文今十年揭來蕭寺重留連已驚秋漢盤孤

鶚更愛清吟障百川桃李春風寒食月閨河行色繞

朝鞭此來論列尤清峻愈見行身不偶然

追挽省郎王仲蔚

毛耗幕風翻雪滿床快書初不減元康酒餘綺席冰生

頰事解連環穎脫囊青瑣飛翔天已老白雲迴笑恨

應長杏花春色鄰墻酒前日東城是醉鄉

寒食日韓氏南庄讌集

重城鞍馬厭紅塵春州池塘發興新自擬嘯歌知道

在不分賓主更情親青山似喜談時事白髮空慚滿

領中默教向來扶轄飲不應驚坐獨陳遵

贈李濟之修撰

夕扈紅雲侍

帝輿襟靈瀟洒氣冲愉絲綸有在人非偶寂寞求音

意更殊已為斯文鏗木鐸共駕滄海得遺珠何當一

片鑿坡月時聽論思為持彭涓



簡寄王推官漢臣今從事彰德幕府表弟  
韓從益雲卿自相下來伏審雅候佳勝喜  
慰之餘謹以此寄奉別後一笑也

燕市分携已半年客來首問喜清妍  
辨教綠髮看吟鏡儘稱清波泛幕蓮  
五袴有歌清議裏一方無事曉  
燈前西溪未減東湖勝滿盃河山照酒船

和趙明叔言懷

我初識子禹鄉筵秋月金盃上碧天  
翔集栢臺幾二載稱停文賦每終篇  
孤忠自信恒多苦萬事安心恐  
偶然白髮行年四十五向誰重理白牙絃

餞陳簽者行臺西夏

鵬搏九萬見扶搖五郡河湟付燮調  
版籍輸誠須實

守孤寒收淚拜文饒天開相府官儀肅  
弓掛崑山節

制遙荒服一作如對軒墀周時笑事太平勲業在

中朝一作如對軒墀周時事便宜先為漢家條

虎落雲間四海家河山初不外幽遐  
龍荒要廓朝天

道別淚休驚出塞茄葛亮昔和書有在  
君魚砥節老

彌嘉多應青澗城頭月無復驚颺漲暮沙

漢家威德際髦鬢牙藥其中應阻艱  
金節遠開丞相

府春光先渡玉門關正煩煙火通青海  
未用梯航致

白環銀字詔還知不遠好來彈壓紫宸班

五郡河西右臂連懷柔有策得人先  
文昌除日擊誰

在帝座回章得汝賢才氣似公當重寄  
賡違多感是

中年黃金臺上西山碧莫厭離觴碎筑絃



勅勒川南積鹵西荒煙回望隔華夷哥書開府固英  
特老范籌邊青清綏漢月流光清朔郡陰風無力動  
牙旗遙知別後相思夢秋鴈聲中第一詩

道人解種傷顏玉分供晴寤思渺然夢去恍為天姥  
客潤餘猶帶鬱林烟夏雲翠聳形模恠海日紅蒸腹  
背鮮我自愛親無巨細一奉嵩華墮吾前

考滿日言懷書呈侍講顯顯軒

三載區區簿領間癡林老坐待循遷封章不到回  
天筆躬稼終歸眉郭田高颺得虛名清議裏儘驚白髮  
暮愁邊只應一片金鑿月似向衡門照獨偏

題李練師宗聖宮圖姚左丞索賦

滾：勞生汨世緣練師獨得靜中傳一篇秋水忘言  
處滿眼青山曝背眠丹井流光傳大藥玉臺積翠倚  
中天方蓬別有冷風鶴華表歸來又幾年

夏日讌集田氏林亭御史諸公留別

濕雲壓樹暮方塘雨洒層軒滿意涼四海交遊有今  
夕一樽情話惜離觴夢驚紫禁煙花老醉盡佳人錦  
瑟香老子興來情未已更催銀管按清商

聞丞相史公受開封之拜并引

昔鄧禹列侯特參大事晉公八親重領台  
司故韓愈拜章稱舊歷三司之責雲臺圖  
像獨端居諸將之先伏惟開府相公佐翊  
勳高封拜寵教以今視昔前後略同養老



乞言與帝尤異伏自傳聞之審不勝慶幸  
之心敢綴荒蕪式伸頌禱前監察御史王  
惲謹頓首啟上

台鼎春回極寵光初聞歡喜倒衣裳百官禮絕汾陽  
拜炎運天開漢道昌義激忠精傾列辟坐調風雨會  
中央此心久寄華亭鶴夢統裴家綠野堂

御史秩滿日放樂天詩體書懷

人微每愧居清要祿厚常憂負素餐勁翮已輸鷹隼  
健秋霜空落簡書寒寸心敢謂行身了世運弥深以  
理觀三尺素琴中本靜又施絃索向誰彈

上太保劉公詩 中統二年

閒雲出岫便從龍羽翼高於四皓功黃石有書開兩

漢黑頭無地避三公金輪散影連沙界太一浮光動  
竹宮鉞鉢不妨聊尔耳人間桃李滿春風

山人

較來鐘鼎與山林得失何勞拊髀吟靜對清溪忘俗  
慮醉逢漁父是知音滿梳華髮長年雪一片閒雲欲  
兩心臨水幾堆黃落葉被風吹去任浮沉  
王子行年四十餘幽潛心似糝中魚倦談時事便情  
話靜畫靈襟性理書過酒祇堪知味止爰吟誰暇計  
才疎今冬處置行寫了種竹溪南有草廬

和郝子自見贈之什兼錢舟行二首

情話滴、不易量幾年閒處看人忙時清共樂林居  
好理到能消客氣狂脫穎我慚成事遂論詩君乃起



予高布帆無恙秋風裏一棹煙波去渺茫  
山人何苦住山城老雪堆門幾度平雅愛雲林無俗  
態豈知塵土滿長纓薄田粗足充飢了衰俗無依奈  
物輕三十年來老知己此回相送最關情

題韓通甫城南別業

翠竹連村映白沙橫崗回抱一川斜橋林多實長年  
樂棣夢留香盡日華雲錦池邊看鴈序秋風門外任  
蜂衙自憐獨鶴歸來晚夜：林丘夢水涯

送于初宗兄出鎮關臺

飛翔方喜造朝班一表陳情動日邊列郡剖符聊復  
爾中年分手倍淒然兩鄉憶望三千里一席情親四  
十年明日萱堂壽親處杏花紅點綠楊煙

登臨武臺

吏散公庭百慮衡來登臨武敵高情唐風過陋留遺  
儉晉譎移民到健爭千障壺山吟際晚一溝汾水眼  
中明悠悠自愧沙鷗雪更道忘機意亦驚

唐山道中早發

時至元九年三月初九日自燕達淇上

沆瀣橫空夜向分行穿林影認前村夢殘旋逐車聲  
破犬困時牽馬足奔長笑未容耕壠畝一官隨分報  
君恩獨憐三載霜臺月空使流光滿薊門

懷舊詩并序

至元九年二月十四日濟南劉漢卿出示  
亡友王仲蔚詩軸三復之餘慨焉藥傷因  
憶往年在東平時與仲蔚諸人暮春之初



會飲于宿城野務趙媪家凡三飲歌酣盡  
惟同會者六人明日仲蔚賦詩有楊柳青  
旗連坐榻杏花春色過鄰牆之句殊為上  
軒所賞明年仲蔚從事濟南幕府予亦西  
歸淇上自是而不復相見秋七月聞仲蔚  
病疽死歷下忽覩斯作令人又有短氣者  
七年之間六客者止存并任與予三人耳  
因為賦此以抒梗槩云

道詩一讀已凄然玉樹臨風墮眼前心擬酒寬終致  
疾壽隨中止欲誰憇蜀州寄遠猶如昨伯道無兒更  
可憐轉首惠連春艸夢月明愁滿宿城煙

辛未歲除夕言懷  
此月廿八日尚書  
省復併入中書省

杯盤草具餽茶燈燼紅垂夜半華抵掌不憂韓愈  
鬼住京空在老坡又素餐御史雖無補畫省除書有  
抵差新故送迎長歲例春風明日又誰家

大暑

大地洪爐一氣蒸樓居臺處失高層庭柯葉靜風來  
絕河漢陰斜氣未澄炎帝戲張干傘火老懷思把五  
湖冰磬疲瘵無多力遽爾蒸騰恐未勝

挽王脩甫

時客死于燕君有燕都懷古詞內有恨  
滿西山秋色之句至元三年在東平時  
屢向余道

大梁東郡衛南廡尊酒論文幾度逢少日才情驚小



杜中州人物惜元龍長歌老驥壺空缺秋色西山恨  
更濃五十五年成底事一丘露草泣吟蛩

奉陪左丞張公尚書李公王學士徒單待  
制赴趙禹卿觀稼之會偶得五十六字奉  
林下一笑也至元七年七月三日

韋杜城南尺五天草堂尊酒接歐韓晴雲望遠未方  
秀高樹涼多露未乾臺館不煩題綠野林花時許覆  
金鞍因君喚起歸田興夢到西溪舊釣壇

遊玉泉山

山腰一逕轉雲蘿照眼平湖漲碧波形勝左蟠遼海  
遠風煙還覺玉泉多自憐俗駕來逋客急遣清樽發  
浩歌笑拂巖花醉歸去山林鍾鼎兩蹉跎

書懷兼簡陳節齋

羞將勲業鏡中看不為無魚動劍彈兩鬢搖隨霜簡  
白寸心虛傍日華丹間中持論談何易事際榛存衆  
所難羨殺山東陳按察龍光高射斗牛寒

題趙宣撫樊川山中雜詠

蒼崖如削靜烟霏中有高人住翠微夜鶴聽琴依蕙  
悵曉泉和月落山扉一龕靜體炎涼理兩眼深明倚  
伏機畢竟名高難久卧野猿偷視芟荷衣

歸潛洞

眼冷朱門鶴蓋陰自開幽洞事幽尋飄瀟書劍三秦  
客盤礴風雲萬里心竹澗度涼便夏永桑園留暖爰  
冬深何時為濯長纓土丹竈茶烟共一林



趙樊川

遠安堂上趙樊川  
擇勝栖心以樂全  
神武門前拋組紱  
終南山下冒林泉  
蘭皋秋遠紫吟思  
釀瓮春香引醉眠  
洞口野雲遮已斷  
不洎重上武陵船

遠安堂

草堂卜築近清溪  
擬散襟顏似紫微  
幽事相關常起早  
老懷能遂任時違  
無心出岫和雲卧  
有客過門盡醉歸  
聞道黃家花滿樹  
幾回扶杖到斜暉

趙公泉

故侯桓杖得新泉  
寬鑿方池漲碧瀾  
恐泛落花歸別澗  
要傳清響入幽彈  
竹根漱冷紫林曲  
蔬圃澆餘到藥欄  
已與山中留故事  
一泓難看老螭蟠

未央硯為趙明叔賦

萬瓦垂雲映碧虛  
未央雙闕想雄圖  
天荒地老千年後  
玉潤金堅片月孤  
微物偶因題誌重  
鉛華留借筆鋒濡  
一樽難洗興亡恨  
要發幽光賦兩都  
至元七年庚午奉陪憲臺諸公

關下督正口號

盤

帳殿故彤庭

天仗霄嚴擁萬靈  
玉筍東班分列辟

龍墀肯拜認

前星煙燔熬柱露  
吟袖樂泛仙音近

御屏歲大圃



恩例溥自慙虛薄仰  
皇扁

贈相者陳士廉

我游都邑已三年無略匡時待罪愆有問試從陳子  
決取微還似客師賢客師袁天綱子紘紛半是播間  
客高下能公吏部銓兩眼羨渠明似鏡月評從此索  
心先

為遼人劉信甫慶八秩之壽

素髮醜顏八秩春豹韜還是搃戎孫兩都喬木秋光  
老滿座春風笑語溫膝下盡歡未有彩人間無似壽  
為尊酒知善積餘嘉慶三世何妨是將門

同馬才卿暇日登昊天寺窺巖塔有懷

高標直上跨蒼穹物外方知象教雄九陌市聲開曉  
色兩都喬木動秋風遙憐漢馬屯湘渚安得長書附  
太鴻寂歷村墟野煙外誰家簾幙夕陽紅

寄贈德長老

先府君無恙時嘗語河內德上人者系出  
貴族享年最高行業極精嚴予以懷衛相  
望每思以披覩為快迄未能也近弟誠甫  
至自野王云德僧臘已丑今年百有一歲  
起居飲啖健若五六十人或問何術臻此  
荅云無有但休閒心無所用耳性嗜杖所  
依歸狀時有瑰異者平生樂從賢士大夫  
遊無衲子氣象予聞而喜之豈墨名而儒



行者耶以韓文公有文暢澄觀之作因書  
近體律詩簡寄西堂為他年林下一段閒  
公案也

一條柱杖老龍鱗扶掖西堂百歲春  
方寸已明諸佛果典刑還是定年人  
笑拈貝葉隨僧供未省緇衣化洛塵  
我識阿師中所得溪光山色乃心身

至元己巳八月一日借馬才鄉游聖安寺

滿馬京塵厭市喧拾鞍步入給孤園  
金鑄響泛松風冷寶月光凝瑞像尊  
法觀交纏雙井開雨花別是一乾坤  
布金不是包桑計空抱危言吐復吞

謂請明昌間却侯亮

竹溪蔡無可等碑

院書懷簡胡員外應奉

束縛長纓領簿曹十年從事獨賢勞  
癡床坐久疑禪榻老木風嚴馮怒濤  
行路縱誇驄馬貴炬蓮何似玉堂高  
一彈未就陽城草虛負秋空白錦毛

奉送

大丞相史公行臺河南時用兵襄陽以平

章政事副忽刺相出附馬督視諸軍時至元

六年八月也

無勞統帳挿生犀威德江淮草木知  
唐室正詔裴出將楚人休倚漢為池  
聘通

上國無非補節駐長洲果爾為三百年來常例在忍  
今牙齧舞嬰兒

寄陳按察慶甫



秋天寥落使星明，光動山東百二城。  
三本有書天下計，一樽為地故人情。  
九江虎渡非無術，山東吏人聞  
故告去漢節輪埋浪有聲。  
老我簿書三萬卷，幾時燒尾看雷車轉。

跋王內翰與木菴唱酬詩軸

木菴詩筆唐文暢，一作老而妍心印多從吏部傳。  
豹管一窺連壁句，月牕慵展碧雲篇。  
風流豈落明昌後，真率當隨靖節肩。  
留取人間作遺像，鬢絲禪榻話它年。

追挽歸潛劉先生

我自鬢髮屢拜公，執經親為發顛蒙。  
道從伊洛傳心學，文擅韓歐振古風。  
四海南山青未下，一丘洹水恨

何窮，泣然不為山陽笛。  
老屋吟看落月空。

繼張相言懷二首

山人踪跡愧搜羅，欲負蚪松學隱和。  
散木分甘遺匠石，薦章誰擬動常何。  
畫又活計青鳧少，曉鏡功名白髮多。  
好笑住京王御史，一官羈滯半年過。  
獸思深處鳥虞羅，人自人徒貴體和。  
物有盛衰宜辯早，氣從舒泰奈時何。  
眼前徑路黃閭迅，鏡裏功名白髮多。  
不只一杯洗硯磊，茶烟禪榻儘經過。  
和韻一作松

至元辛未冬仲廿四日夜五鼓夢衛南郊  
行夢中得頷聯兩句既覺為足成之

春煙樓觀照堤沙，夢裏郊行日未斜。  
幾片雲陰無俗



態滿川桑柘有人家微茫曲境雙鳧客依約春風二月華興遠正濃還喚覺一聲雞唱揭簷牙

跋梁斗南先生無盡藏手軸

昇平豪富林泉主白髮歸來一幅巾世與士安籌國計誰云開府是辭臣江頭宮殿千門暗物外雲烟萬古春休向諸郎訪遺事青山依舊是比鄰

叔良西歸秦中感而賦此

倦客京師半載過翻成西去奈秋何贊房燈影裁清夜渭水春風已白波三虎自疑終致釋五噫從此不須歌終南山色昭陵樹刺著新詩醉兩坡原上昭陵恨不暇新坡

寄李和甫覓未央瓦研

好在終南李鍊師未央瓦研寄何時卧聞客舍三秋雨夢繞畫欄雙桂枝孤月正堪遮老眼片言聊復慰相思研磨縱對蛾眉秀中有漁陽萬馬馳

至元辛未秋八月廿八日同長老金燈義

方暨馮君用聶文起劉敬臣王仲通馬才卿石壽之座主賈君叔良會飲于開泰之文室約各賦詩道盡簪之歡因為賦此

陽殿秋烟老檜蒼春風合座捲吟觴爭傾底裏心能見不恡歌呼興更長風調摠輸韋曲杜新詩驚絕碧雲湯人生無似新知樂安得車輪一夜方

壽徒單待制至元八年九月十四日

靜畫紛華道義尊立朝今復見經綸論交最厚先君



契提誨終深賤子身世仰仲淹風雅在見來元亮性  
情真一杯滿意浮秋菊照映靈椿看玉麟

菊嘆

細菊宮傳笑厲金結根失所最關心鵲欺力弱時來  
啄草為蕞荒日益侵窳檻移栽容獨秀秋香吟憫伴  
孤斟朝來頓覺精神好似喜淵明為膏音

送臺榭趙明叔赴濟南迎侍母氏來燕

寤寐庭闈遠事承南陔詩裏二毛生悠悠望眼門廬  
月戀春暉孝子情千里秋風吹去馱一夫融樂羨  
歸程三升紅腐殘年恨老淚縱橫滿仲纓一作零落悲風凋滿

壽房祖 至元八年九月三日

山立揚休七尺身接人襟度玉能溫慶流淇水宗夫  
近恩洽諸房德義尊扶健不煩鳩刻杖承顏幸脩彩  
衣孫一枝留在霜前菊細撚清香入壽樽

送李尚書仲實奉知北京行者

遼左要荒節制偏選材真得濟時賢拊循殊俗允宜  
簡餉餉東兵貴有權軫慮可寬天北闕先聲應徹海  
東邊願慙知己謾馳嚮望入秋空鴈影翻

壽紹開外郎 十月十四日

襟期出處不多偏秀孕翰君六日先以義取交知己  
最開談通俗見才全已將國計籌邊美會見嘉謨  
沃帝淵相對莫嗟頭共白歲寒心在老彌堅

繼商樞相韻贈禪師李玄暉



襟期一見若同袍束縛微官笑獨勞  
方寸證明皆佛果大千起滅摠浮泡  
馳聲絕藝君能辨汨世天刑我欲  
逃坐拂天花閱家數凜然清興雪山高

送和之簽山東按察司事

四道山東事最繁按巡當猛亦宜寬  
立蓄併在虛危分根窟深連魏博間  
風彩儘承綸命重霜威何待栢臺寒  
澄清快理征鞍去望絕崑山與歷山

餞泰政楊公出鎮章懷

十載嘉謨沃

帝聰人間桃李幾春風從今民事優  
游裏轉見君恩顧盼中龍節我知如李晏  
救時人道似姚崇洛陽三月春如畫  
剩看新詩醉仰嵩公辭

送陳按察赴任山東

閒花霜落控孤膺暫靚清揚俗慮澄  
四道規模開漢制百城風彩望陳登  
露盤虛警青冥鶴朝吹驚翻白錦鷹  
迴首相思定何處暮雲春樹憶王陵

贈羅徵君

風骨飄瀟到九還一壺天地市朝閑  
神遊物表冲融際道在平生出處間  
笑着割烹要擊鼎擬將忠直動龍顏  
濟時好作高霖去未礙經年別故山

孟待制駕之哀辭

我識先生二十年當時過衛亦翩翩  
遺文載相聞三語一賦垂天笑八埭  
幾日秋風汾水客一丘宿草茂陵阡  
屋梁曉月驚無復西望令人一泫然



祭于襄先生

先生隱德自崧丘得號墻東四十秋結駟退慚知道  
在詩壇吟苦八冥搜眼中耆宿有今日地下雷元是  
舊遊幾卷閑書總惟底未容拈讀淚先流

寄贈總管韓君通甫暨弟君美兼簡公弼  
良友

都門贈別柳條青分袂南來歲屢更三載愧陪駟馬  
列久違轉見故人情每於夜榻聞風雨羨殺韋家好  
弟兄蚤晚細傾燕市酒誨堂重醉棗花榮

哭馬孟州才卿名甫相州人

栢臺款晤儘三冬暇日來陪御史駟寺閣納涼憐晝  
永野塘車轉飲喜君同性情遠出機張外禍福真成倚

伏中至元乙亥濟州同知未滿中壺見召既至以事  
阻是年秋復除孟州倅南還至邢病死壽四十

久別已增懷抱惡與君終誅恨何窮

哀大都督史公

名權中統初授  
江淮大都督

陽夏移軍入鄧封指揮旌壘氣增雄優居將愷元多  
筭威攝荆蠻儘父風士樂死懷羊傳愛戰酣無大上  
均功應憐十載龍驤業一慟臨江萬事空

題張府君墳立

子傑字行甫曾  
任判官孫一人

龍公祠下府君墳崗勢西來虎豹躡翠琰盛傳千宇  
誅青衫還有讀書孫喬林氣鬱丘山重一水春涵德  
澤溫白首故侯長健在際瀕着力大千門

姑射北仙洞予既為新道立石且會諸君  
子明日大雪仲明賢良賦詩光督因次嚴



韻以荅佳既

三年判府苦無聲，自斷行藏竹靜聽。翠琰銀鈎留故事，白波青嶂繞螺亭。一官自笑頭空白，多士相看眼倍青。每謝新詩深慰藉，不愁歸說草堂靈。

王衛州抗章公諱昌齡字顯之滄州人

堂：大廈啟雲居，偃桓圓叔與藉扶。六縣耕桑深道愛，百年魚水應時需。望歸王儉風流幕，天識鄴侯更隱儒。河朔諸侯幾參佐，愛君終始擅良圖。

又

襟韻冲融器識先，晚年風節見承宣。經綸素抱調元事，綜覈長深作牧篇。寒谷暖回裊日愛，老天愁絕劔門煙。慙慙高憶臨岐誨，惆悵城南是別筵。

哭交親州判李叔

洄溪一會乃死別，送我西行淚滿襟。四海從師有先子，半生急難是初心。泉扃不閔無見感，壠樹空瞻挂劔林。會擬並刊遺愛碣，廓城臺首御河深。古廓治邑在

別廬漢臣

男兒出處要無慚，一意公家性所甘。吾子有才無不可，老夫於世本無堪。痛連臂骨緣心苦，耳變風龍阻坐談。劔佩趨庭君好去，建章宮樹綠華簷。

挽杜止軒徵君

泰岱東蟠未了青，文章公獨萃精英。賦方庾信才華



壯詩到樊川氣格清平日酒杯追散聖一生高節見  
陳情風流想在齊梁席未讓鄒枚獨擅名

留別忽治中英甫

四年相待情偏厚千里分携恨若何別駕見淹時共  
惜當官能處我尤多草流自是青雲器金印行懸瑞  
錦窠調古自知終寡和青天白眼望君歌

秋澗先生大全文集卷第十六

甲戌三月十九日暮雨校完此卷





